

徐氏醫學十六種

15

E

Chinese

Vol XV

15



傷寒約編卷二

陽明病提綱

陽明之為病胃家實也

陽明屬胃胃實為陽明病根有實於未病之先者有實於得病之後者有風寒外束熱不得越而實者有妄汗吐下重亡津液而實者有本經熱感而實者有他經轉屬而實者此只舉病根胃實外證陽明病外證身熱汗自出不惡寒反惡熱也

胃家實外證身蒸蒸然裡熱熾而達於外汗濺濺然從內溢而無止息表寒已散故不惡寒裡熱閉結故反惡熱只因胃家實之病根即見身熱自汗之外證不惡寒反惡熱之病情非即可下之證必讖語潮熱煩躁痛脹繞可下耳

陽明病證脈

陽明病脈浮而緊者必潮熱發作有時脈浮者必盜汗出

潮熱有時脈浮而緊是浮為熱熾緊非為寒盜汗為營虛熱迫故脈必浮而不兼他象傷寒三日陽明脈大

脈大者兩陽合明內外皆陽之象陽明初受表邪脈但浮而未大與太陽同三日來熱自裡發熱勢太盛故脈亦應而洪大也

脈浮而大心下反硬有熱屬藏者攻之不令發汗屬府者不令溲數溲數則大便硬汗多則熱愈汗少則便難脈遲尚未可攻陽明主津液所生病津液乾則胃家實故禁汗與溲夫脈之浮緊浮緩浮數浮遲皆不可攻而可汗此浮而大反不可汗而可攻者以此為陽明三日之脈當知大為病進不可拘浮為

在表也。心下者胃口。心下硬已見胃實。一斑以表脈不當見裡證。故曰反硬有熱。屬藏是指心肺有熱。攻之謂攻其熱不令者禁止之辭。屬府指膀胱。膀胱熱故漫數不令。處見當滋陰之義。汗出多亡津液。而大便硬即汗出少亦未免大便硬而難出其利於急攻可知。若脈遲則便非藏熱而浮大皆為虛脈。矣。正以發明心下硬一證有無熱屬藏為妄攻其熱者禁耳。不可下證。

傷寒嘔多雖有陽明證不可攻之。

嘔多者是水氣在上焦而津液未乾也。胃家雖實慎不可攻。攻之恐利遂不止。腹滿嘔吐是太陰陽明相關證。胃實胃虛是陽明太陰分別處。要知胃家實雖變證百出不失為生陽下利不止參附不能挽回。便是死陰也。

誤汗便艱證。

陽明病自汗出若發汗小便利此為津液內竭。大便雖硬不可攻之。當須自欲大便時宜蜜煎導而通之。若土瓜根及大豬膽汁皆可為導。

汗出瀉利而更發其汗乃胃中津液兩竭必大便硬而難出是內燥而非內熱也。只須外潤不可內攻。於自欲大便時因勢蜜煎導而通之。挾熱者土瓜根大豬胆汁皆可為導。

蜜煎導

治陽明無熱胃虛便閉脈沈者。

白蜜七合

銅器內煎熬如飴攪之勿令焦着可丸棗作挺頭銳如指大長二寸許。乘熱納穀道欲大便去之。

胃虛腸結燥閉不通故宜甘以緩之潤以通之。是陽明無熱而胃虛便閉者法當需此通導則腸結解。

而胃氣無傷也。

大猪胆一枚。瀉汁少許入醋納穀道中。食頃當大便。

腸結有火。胃家有實。故宜猪胆之苦以泄之。寒以瀉之。是胃本無火。腸結挾熱者。需此外導以通泄之。則腸熱化而胃不寒也。土瓜根導亦不出苦寒。通導腸結之義。

陽明傷寒證

病有得之一日不發熱而惡寒者。雖得之一日惡寒。將自罷。即自汗出而惡熱也。

陽明自受寒邪。一日惡寒。與太陽同。至二日寒化熱。熾即自汗出而惡熱也。若從他經轉屬。必常在六七日而不在一二日間。

陽明病機

陽明居中土也。萬物所歸。無所復傳。始雖惡寒。二日自止。此為陽明病也。

陽明受寒。始雖惡寒。二日自止。蓋胃為戊土。位處中央。表裏寒熱之邪。無所不歸。無所不化。皆從燥化。而為實。實則無所復傳。所以為陽明之病根也。

太陽轉屬證

太陽病若發汗。若下。若利。小便。亡津液。胃中乾燥。因轉屬陽明。胃實大便難。此為陽明也。

此太陽轉屬陽明之病。因有亡津液之病機。故成此胃家實之病根也。

本經成實證

傷寒發熱無汗。嘔不能食。而反汗出濺濺然者。是轉屬陽明也。

胃實之病機。在汗出多。病情在不能食。初因寒邪外束。故發熱無汗。繼而胃陽中發。故反汗多而嘔不

能食是病在陽明而成實也

太陰轉屬證

傷寒脈浮緩手足自溫者繫在太陰太陰者身當發黃若小便自利者不能發黃至七八日大便硬者為陽明病也

太陰轉屬陽明者病機在小便小便不利是津液不行而濕土受病病仍在太陰身當發黃若小便自利則津液越出而轉屬陽明為燥土受病故大便當硬也

陽結陰結證

其脈浮而數能食不能便者此為實名曰陽結也期十七日當劇其脈沈而遲不能食身體重大便反硬名曰陰結也期十四日當劇

脈浮數為陽盛陽盛於胃者名陽結脈沈遲為陰盛陰盛於胃者名陰結陽結能食不大便陰結不能食能大便陽結期十七日劇陽主進合乎陽數之奇陰結期十四日劇陰主退合乎陰數之便能食者過期不能食者不及期蓋陽結即是胃實陰結無表證當屬之少陰不可以身重不能食為陽明而不敢溫補也

陽明桂枝證

陽明病脈遲汗出多微惡寒者表未解也可發汗宜桂枝湯

營虛受邪腠理不密故汗出多而微惡寒純是表氣虛寒汗出惡寒同太陽桂枝證以脈遲乃知病在陽明也惡寒微則發熱亦微宜桂枝湯啜熱稀粥法和營散邪則汗更出而營氣和邪自解矣

桂枝湯見前

陽明麻黃證

陽明病脈浮無汗而喘者發汗則愈宜麻黃湯

表有風寒脈必浮盛有力無汗而喘者邪感外束氣鬱不伸也麻黃湯發汗則汗出而邪外解陽氣和喘自平而脈自微矣脈證全同太陽而曰陽明者不頭痛項強故耳

麻黃湯見傷寒

小青龍湯合吳茱萸湯證

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

小便利者裡無熱反無汗者表有汗頭痛厥逆必因嘔欬是表裡虛寒胃陽不伸而迫肺上干也小青龍合吳茱萸湯兩解表裡之邪則嘔欬而厥逆頭痛自平矣

小青龍湯見傷寒

吳茱萸湯見少陰

衄血證

陽明病口燥但欲漱水不欲嚥者此必衄

陽明氣血俱多主津液所生病津液內竭故口燥欲漱水但執迫血分而不在胃中故不欲嚥水而衄血可必是病陽明之經絡也宜犀角地黃湯清降之

犀角地黃湯見濕溫

脈浮發熱口乾鼻燥能食者則衄

鼻燥發熱為熱傷陽明之經能食口乾是執迫陽明之胃表裡交蒸脈必浮盛有力而血結於胃血為

熱迫致衄血也。桃仁承氣湯散而逐之。

桃仁承氣湯見太陽畜血

傷寒四五日。脈沈而喘滿。沈為在裏而反發其汗。津液越出大便為難。表虛裡實。久則讖語。

喘而胸滿。必脈浮者。病在表可發汗。今脈沈為在裡。則喘滿皆屬於裡。傷寒四五日。正陽明將陷之候。

反發其汗而津液越出。則轉屬陽明。而成胃實。便難。讖語所由來。調胃承氣少和之。條中久則讖語。當

作實則讖語。此傳寫之誤。

調胃承氣湯見陽明中風

發汗多。若重發汗者。亡其陽。讖語脈短者。死。脈自和者不死。

陰汗太多。津液越出。則離中之陰大虛。而湯亦外亡。故神明失措。而亦作讖語也。脈短為元陰將脫。不

勝收攝。故死。脈自和為脈有胃氣。是知不死。安神救逆。即可生全。酸棗仁湯滋養心液。以安神明也。

酸棗仁湯 治亡陽讖語。脈緩微數者。

酸棗仁三錢 懷生地五錢 麥冬三錢 肉桂三錢 炙甘草五錢 甜竹瀝三匙 白茯苓二錢 白芍為熾半 北五味錢 真阿膠三錢

炒生牡蠣三錢 炙甘草五錢

水煎去渣溫服。汗發多則心液虛。心陽外亡。故讖語也。亡陰而曰亡陽者。以心之液為陽之汗。棗仁

養心。茯神安心。所以奠神明之主。阿膠益血。白芍斂陰。所以振神明之用。生地麥冬。滋既亡之陰。牡蠣

五味收浮越之陽。炙甘草緩中。益氣竹瀝。養液化痰。俾陰液內充。則虛陽自斂。而神明自安。讖語自寤矣。

讖語直視喘滿者。死。下利者亦死。

讖語因於陽盛。不是死證。若讖語直視。目不轉睛。是藏府之精氣將絕。即喘而不休。肺氣已絕。滿而不運。



脾氣亦絕下利不止乃倉廩不藏門戶不要皆為死證也

夫實則讖語虛則鄭聲鄭聲重語也

邪氣盛則實實則讖語言雖誕妄與發狂不同自有一種莊嚴之狀正氣奪則虛虛則鄭聲語言婉轉與讖語不同自有一種必欲有求之狀故仲景以重語釋之乃見有鄭重其事而不忽其言也

熱入血室證

陽明病下血讖語者此為熱入血室但頭汗出者刺期門隨其實而瀉之漑然汗出則愈

熱鬱陽明陷入血室血下則陽熱上浮而神明被擾故神讖無主語言讖妄也但頭汗出刺期門期門乃肝之募瀉其熱而通其經則汗得遍身而畜熱外泄下血自止而讖語無不自已黑膏施歧法亦可已

梔子豉湯 治陽明被熱脈弦長者

梔子錢三淡豉錢三

水煎去渣溫服 胃熱乘肝陷入血室故下血讖語為邪熱入於血室也梔子除內煩淡豉泄外熱君以黑膏則陽明之血熱自解而讖語自止矣

婦人中風發熱惡寒經水適來得之七八日熱除而脈遲身涼胸脇苦滿如結胸狀讖語者此為熱入血室也當刺期門隨其實而瀉之

中風經至發熱惡寒當先解其外至七八日熱除身涼反胸脇滿而非結胸發讖語而非胃實脈遲為在藏是血結於肝而堵塞神明也此為熱入血室刺期門以瀉結除滿則結血化而讖語自已小柴胡加赤芍生地亦已

小柴胡湯見少陽

婦人傷寒發熱經水適來晝則明了夜則讖語如見鬼狀此為熱入血室無犯胃氣及上下焦必自愈。

傷寒發熱見婦人中風傷寒皆有熱入血室證發熱不惡寒是病在陽明讖語不因胃實是肝虛魂不

安而妄見故如見鬼狀病在血分故晝則明了夜則誕妄也不得妄下以傷中焦之胃氣亦不得妄汗

以傷上焦之清陽刺之出血以傷下焦之真陰當養血清魂而讖語自已黑道遙合舉輕古拜散主之

黑道遙散 治熱入血室脈數弦虛者

懷生地錢五 軟柴胡分五 白芍藥錢半 當歸身錢三 冬白朮錢半 白雲神二錢 粉甘草分五 炒荷葉錢三

水煎去渣溫服 血熱加梔丹 傷寒經至血虛邪熱陷於血室故晝則明了夜則讖語見鬼亦為熱

入血室歸芍斂陰養血朮草健中生血柴胡升陽散熱肝木得遂條達之性茯神滲熱安神心氣亦致

和平之德生地黃滋陰益血腎水有既濟之功炒荷葉升陽和血肝陰有轉舒之妙俾水潤木榮心脾

得滋養之力更合黑荆則血室清而魂自藏外熱解而讖語自已又益梔丹以平血中之熱何患邪有

解熱猶陷入血室乎

舉輕古拜散 治崩漏吐衄脈浮者

荆芥穗炒黑

為末水調三錢亦可入煎劑 經受外邪遏熱迫血故血從諸竅溢出宜隨上下以酌湯治之荆芥理

血疎風炒黑需入血分力能和血止血以疎血中之邪需止吐衄崩漏挾邪之血因方製劑無不獲效

陽明中風證

陽明中風口苦咽乾腹滿微喘發熱惡寒脈浮而緊若下之則腹滿小便難也

微喘惡寒脈浮而緊同太陽麻黃證口苦咽乾又似太陽少陽合病更兼腹滿又似太陽太陰合病何  
以名為陽明中風耶以無頭項疼痛則不屬太陽不耳聾目赤則不屬少陽不腹痛自利則不屬太陰  
是知口為胃竅咽為胃門腹為胃室喘為胃病無疑今雖惡寒二日自止脈之浮緊亦陽明潮熱有時  
之候此陽明初病在裏之表若以腹滿為胃實而下之則腹更滿而小便難大便反易矣當以小柴胡  
合枳朮湯主之

小柴胡湯見少陽

枳朮湯見前熱入血室證

陽明中風脈弦浮大而短氣腹部滿脇下至心痛久按之氣不通鼻乾不得汗嗜卧一身疼面目悉黃小  
便難有潮熱時時噦耳前後腫刺之小差外不解病過十日脈弦浮者與小柴胡湯脈但浮無餘證者  
與麻黃湯若不尿腹滿加噦者不治

中風二字便藏表熱在內刺之是刺足陽明隨其實而瀉之脈弦浮者向之浮大減小而弦尚存故可  
與小柴胡以解外脈但浮而不弦大則非陽明少陽脈無餘證則諸證悉罷惟太陽之表未散故可與  
麻黃湯以解外若不尿腹滿加噦此是內不解小便難者竟至不尿是化源已絕也腹部滿者竟不減  
脾氣敗而不運也時時噦者更加噦而胃氣敗絕均不可治也此陽明中風之劇者兼太陽少陽兩經證

小柴胡湯見少陽

麻黃湯見太陽

陽明中寒證

陽明病若能食名中風不能食名中寒

風為陽邪故能食寒為陰邪故不能食以能食不能食別風寒亦以見陽明之虛實也此陽明初受表邪先辨胃家虛實為診家着眼處

陽明病若中寒不能食小便不利手足濇然汗出此欲作固瘕必大便初硬後溏所以然者以胃中冷水穀不別故也

胃陽盛則中熱而消穀胃陽虛則中寒而不能食固瘕即初硬後溏之謂肚閉雖固結而腸中不全乾也溏即水穀不別之故胃中寒不能化液故小便不利胃中虛不能攝液故手足濇然汗出耳理中湯加烏梅以溫理之

理中湯見太陰

陽明病脈遲腹滿食難用飽飽則微煩頭眩必小便難此欲作穀疸雖下之腹滿如故所以然者脈遲故也

食難用飽因於腹滿腹滿因於小便難頭眩又因於食飽耳此胃虛寒滯過濕於中故食入則胃氣不化而煩清陽下升而眩濁陰不降而腹滿小便難也身體盡黃名曰穀疸不用五苓合枳實理中而反以茵陳湯下之則脈遲為在藏脾氣愈傷故腹滿不減而如故

五苓散 見太陽

枳實理中湯 治穀疸腹滿脈遲者

於潛虎嘯半 小枳實炒 分 炮姜炭分 白茯苓錢 甘草灰分 五

水煎去渣溫服 胃虛寒伏過濕於中則中氣不化而腹滿小便難故身體淡黃名曰穀疸於未健脾

枳實破滯炮姜合草灰溫中氣以化濕祛寒茯苓佐草灰滲脾濕以安中除滿也必偶之以五苓則清

升濁降而小便自利穀疸自痊矣

茵陳湯

即茵陳蒿湯見瘧熱發黃

除中證

傷寒脈遲六七日而反與黃芩湯徹其熱脈遲為寒今與黃芩湯復徹其熱腹中應冷當不能食今反能食此為除中必死

傷寒是熱發於表脈遲為寒伏於中與黃芩湯復徹在表之內熱則熱去而寒起胃陽不支假穀氣以自救反能食者名除中必死不能食者為寒中宜桂枝人參湯溫之

桂枝人參湯見太陽

施子歧湯證

陽明病脈浮而緊咽躁口苦腹滿而喘發熱汗出不惡寒反惡熱身重若發汗則躁心憤憤而讞語若加燒針心怵惕煩躁不得眠若下之則胃中空虛客氣動膈心中懊懣舌上胎者施子歧湯主之

此陽明半表裡證邪已入腹不在營衛之間故妄汗則腎液虛而發躁心液亡而憤憤且胃亡津液則無以榮潤腸府而大便秘硬讞語身重若溫針則心恐懼而怵惕煩躁不得眠也下之則胃中空虛客氣動膈故心中懊懣不安脈雖浮緊舌有胎是心中畜熱不散宜施子歧湯兩解表裡之邪外而自汗惡熱身重可除內而喘滿咽乾口苦自解矣

施子歧湯見熱入血室

白虎加人參湯

若渴欲飲水口乾舌燥者白虎加人參湯主之

燥渴欲飲水是熱已入胃用白虎加人參湯瀉胃火而扶元氣

白虎加人參湯 治燥渴飲水舌燥口乾脈洪大者

石膏錢五 人參錢八 甘草錢五 知母錢半 粳米錢一 棗

水煎去渣溫服 胃熱熾盛津液頓亡故脈洪大大煩大渴欲飲水數升也生石膏大寒瀉胃火而津

液生肥知母辛寒泄肺火以潤腎燥甘草緩寒藥之性用為舟楫而沈降之性始得留戀於胃粳米奠

安中宮培形氣而生津液使陰寒之品庶無傷損脾胃之虞更加人參者以氣為水母於大寒劇中扶

元氣生津血也此湯入胃輸脾歸肺則津液四布而胃熱頓除大煩大渴可解脈之洪大亦無不斂矣

豬苓湯證

若脈浮發熱渴欲飲水小便不利者豬苓湯主之

脈浮渴飲是熱已傷陰發熱小便不利乃濕熱漬於水府也用豬苓湯益陰化氣則熱渴解而小便自

利矣

豬苓湯 治發熱口渴小便不利脈浮者

豬苓錢半 茯苓錢半 澤瀉錢半 滑石錢三 阿膠錢五 化沖

水煎去渣納膠溶和服 發熱渴飲小便不利是濕熱內淫陰津虧少不能上奉以退蒸也豬苓茯苓

滲濕化氣理水之源澤瀉滑石滲濕利水清水之用阿膠乃血氣之屬是精不足者補之以味以此滋

陰利水則水升火降而小便無不利熱渴無不除矣

施子鼓湯證

施子甘草湯證

梔子生薑豉湯證

發汗吐下後虛煩不得眠若劇者必反覆顛倒心中懊懣梔子豉湯主之若少氣者梔子甘草豉湯主之若嘔者梔子生薑豉湯主之

虛煩是陽明之壞病慎懷一證以概憤憤怵湯是虛煩之象反覆顛倒切肖不得眠之狀心居胃上即陽明之表此心病皆為陽明表邪故製梔豉湯因而越之若少氣加甘草以益氣若嘔加生姜以散邪是從虛煩中細細別出

梔子豉湯見熱入血室

梔子甘草豉湯 治虛煩少氣脈浮數者

梔子錢淡豉錢甘草錢

水煎去渣溫服 虛煩是熱乘心膈少氣是熱傷氣化此病在胸中乃陽明裏之表證梔子善能泄熱寒能勝熱其形象心色赤通心故主治心中上下一切證豆形象腎色黑通腎製而為豉輕浮上行能使心腹之濁邪上出於口外散於肌肉也一吐而心腹得舒則表裏之煩熱悉除熱傷氣者少氣加甘草以益氣而氣自調耳

梔子生薑豉湯 治虛煩多嘔脈數弦浮者

梔子錢淡豉錢生薑五

水煎去渣溫服 虛熱相搏者胃氣不順而多嘔加生姜以散逆止嘔而虛熱自平胃氣自調嘔無不除矣

梔子乾姜湯證

傷寒醫以丸藥大下之身熱不去微煩者。梔子乾薑湯主之。

攻裏不遠寒。用寒藥大下之。寒氣留中。可知心微煩而身熱不去。裏寒格熱之象也。梔子乾薑湯主治之。

梔子乾薑湯 治身熱微煩脉沈者

梔子錢半 乾薑二錢

水煎去渣溫服。裏寒格熱。故心中煩而身熱不去。乃誤下之變也。用梔子以解內煩。倍乾薑以逐裡寒。而表熱自散。

梔子厚朴湯證

傷寒下後心煩。脹滿。起臥不安者。梔子厚朴湯主之。

心煩則難臥。腹滿則難起。起臥不安。是心熱移胃。與反腹顛倒之虛煩不同。梔子厚朴湯主治之。

梔子厚朴湯 治心煩腹滿起臥不安脈弦者。

梔子錢半 厚朴錢半 枳實錢半

水煎去渣溫服。邪熱內乘。中氣不化。故心煩腹滿。起臥不安。是太陰陽明相關證也。梔子以治煩。枳實以泄滿。此兩解心腹之劑。小承氣之先著歟。

梔子柏皮湯證

傷寒身熱發黃者。梔子柏皮湯主之。

寒傷於表。陽氣拂鬱。則汗不得出。熱不得越。而發黃者。是胃火蒸騰於經絡。黃色外見於皮膚也。斯時寒已化熱。宜用梔子柏皮湯以苦泄之。



施子柏皮湯 治身熱發黃脈數者

施子錢柏皮錢半甘草五分

水煎去渣溫服 內熱蒸騰表氣神鬱則熱發經絡而汗不得出熱不得越故發黃也施子以治內煩

柏皮以泄外熱甘草和中則熱解氣調而黃自退矣

凡用施子湯病人舊微澹者不可與服之

向來胃氣不實雖施子亦當禁用

瓜蒂散證

病如桂枝證頭不痛項不強寸脈微浮胸中痞硬氣上冲咽喉不得息者此為胸有寒也當吐之宜瓜蒂

散

病如桂枝證但頭不痛項不強使非太陽中風證未經汗下而胸中痞硬更非結胸瀉心是邪中於面

則入陽明故寸脈微浮鼻鳴發熱汗出惡風者似病在表之表乃病在胸中氣上冲不得息而又邪中

於膈亦入陽明是病在裡之表則胸寒結而不散胃陽鬱而不伸故用瓜蒂散因而越之胃陽得升寒

邪自散得裡之表和而表之表亦解矣

瓜蒂散 治胸中痞硬寸脈微浮者

赤小豆兩甜瓜蒂兩

別鴉篩合治之以三錢用豉一兩煮稀糜去渣取汁和散溫服得吐乃止亡血虛家不可與邪結陽明

心氣不降故胸中痞硬氣上冲咽喉不得息也瓜蒂色青象東方甲木之化得春升生發之機能提胃

中陽氣除胸中實邪為吐劑中第一品其性走而不守必得穀氣以和之赤小豆象心甘酸可以保心

氣黑豆象腎製而為鼓能令腎家之精氣上交於心胸中之濁氣外出於口快吐而不致傷神奏功之捷勝於汗下也

### 四逆湯證

少陰病飲食入口則吐心中溫溫欲吐復不能吐始得之手足寒脈弦遲者此胸中實不可下也當吐之若膈上有寒飲乾嘔者不可吐也當溫之宜四逆湯

飲食入口即吐原非少陰虛寒心下溫溫欲吐溫上則復不能吐此寒結胸中熱蓄心下宜瓜蒂散因其高而越之則邪從吐解矣若膈上有寒飲與心下溫不同反乾嘔與飲食即吐不同宜四逆湯溫之可知手足寒脈弦遲有心溫膈寒二證治分天壤診家須着眼

### 四逆湯見少陰

太陽病當發熱惡寒今自汗出不惡寒發熱關上脈細數者以醫吐之過也此為小逆一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也

太陽病當發汗而反吐之則膈氣內傷自汗反出關上脈細數也惡寒發熱雖除頭項強痛仍在猶未至不能飲食尚為小逆一二日熱正在表誤吐而邪未盡陷飢不能食三四日熱發於裡誤吐而胃陽已亡不喜穀食反喜瓜果是為除中朝食暮吐此為大逆

### 白虎湯證

傷寒脈浮發熱無汗其表不解者不可與白虎湯渴欲飲水無表證者白虎加人參湯主之

脈浮發熱無汗是傷寒之表未解故不可清火若外熱已解是無表證渴欲飲水熱已內攻當用白虎加人參是瀉火而益元氣也俾火熱自化則煩渴自除矣

白虎加人參湯見前

服桂枝湯大汗出後大煩渴不解脈洪大者白虎加人參湯主之

大汗出後表邪已解大煩渴脈洪大是裡熱已熾用白虎加人參乃瀉火益元而止煩渴也

白虎加人參湯見前

傷寒無大熱口渴燥渴心煩背微惡寒者白虎加人參湯主之

表無大熱見微熱猶在背微惡寒見惡寒將罷口渴燥心煩渴欲飲水此表邪將解已輕裡熱熾已甚急

用白虎加人參則裏和而表自解矣

白虎加人參湯見前

傷寒若吐若下後七八日不解熱結在裡表裡俱熱時時惡風大渴舌上乾燥而煩欲飲水數升者白虎

加人參湯主之

傷寒七八日不解是當汗不汗而反行吐下津液頓亡表雖不解裡熱已甚也表裡俱熱是太陽陽明

併病然時時惡風則有時不惡表亦將解與背微惡寒同煩躁舌乾大渴為陽明證欲飲水數升者是

熱甚而津液大傷急當救裡以存津液當用白虎加人參則裡和而表自解故不須兩解之法

白虎加人參湯見前

三陽合病腹滿身重難以轉側口不仁而面垢遺尿發汗則譫語下之則額上出汗手足冷若自汗出者

白虎湯主之

此陽明病而暑兼太少胃氣不通故腹滿無氣以動故身重難以轉側是少陽樞機不利津液不行於

口故口不仁陽氣不行於面故面垢耳遺尿者膀胱不約也雖三陽合病而陽明居多妄汗則津竭而

讖語妄下則亡陽而頭汗厥冷自汗出為內熱所蒸必須渴脈洪可用白虎而諸證悉平玩無氣身重則白虎湯中不當去參無疑此亦傳寫之誤

白虎湯見前不加人參即是

傷寒脈滑而厥者裡有熱也白虎湯主之

厥而脈滑病屬傷寒是邪熱閉結於裡陽氣不行於表也此陽極似陰之證全憑脈以辨之然必煩渴引飲能食大便難乃可用白虎湯以解之

白虎湯見前

茵陳蒿湯證

陽明病發熱汗出此為熱越不能發黃也但頭汗出身無汗劑頸而還腹滿小便不利渴飲水漿此為瘵熱在裡身必發黃茵陳蒿湯主之

陽明多汗汗出則熱得外泄不能發黃也但頭汗劑頸身無汗則熱不得越腹滿小便不利渴飲水漿是瘵熱在裡不化故身必發黃也宜茵陳蒿湯通大便而瘵熱自化利小便而發黃自退矣

茵陳蒿湯 治瘵熱發黃脈沈數者

茵陳 錢三 大黃 錢三 梔子 錢三

水煎去渣溫服 大便秘腹自減尿如皂角汁狀色正赤黃從小便去

陽明瘵熱在裏熱不得越故腹滿便難身必發黃也茵陳蒿應遍冬霜之氣能除瘵熱留結佐梔子以通水源而小便利大黃湯滌胃熱令瘵熱從大便泄則小便亦快而腹滿無不減發黃無不退矣此亦引而竭之之法

寒濕發黃證

傷寒發汗已。目為黃。所以然者。以寒濕在裡不解故也。不可下。於寒濕中求之。

傷寒固宜發汗。發之而身目反黃者。熱解而寒濕不解也。身目黃而面不黃。以此知繫在太陰。當溫中散寒而除濕。於真武五苓輩求之。

真武湯 見少陰

五苓散 見太陽

承氣湯證

傷寒下大便六七日不惡寒。反惡熱。頭痛身熱者。與承氣湯。

得病便不大便。見胃家先已枳實。六七日。頭痛身熱不解。不惡寒。反惡熱。乃陽邪更實於裡。是太陽陽明合病。已屆經盡之期。可與調胃承湯攻其裡。而表自解。不必慮頭痛身熱為有表也。

調胃承氣湯 治頭痛身熱惡熱使閉脈沈實數者。

大黃 三錢 炙草 芒硝 半

水煎去渣。少少溫服。得汗利為度。一兩陽合病邪熱已實於裡。故頭痛身熱惡熱。使閉為表裡俱熱也。

大黃蕩熱以通地道。芒硝瀉實以潤燥結。炙草緩中以益胃氣。推陳之中。仍寓致新之意。一攻一緩。調胃之法備矣。胃調則諸氣皆順。而兩經之邪熱無不自解。故亦以承氣名之也。

病人煩熱汗出則解。又如瘧狀。日晡發熱者。屬陽明也。脈實者宜下之。與承氣湯。

煩熱自汗。似太陽欲解。寒熱如瘧。似少陽欲解。繼而日晡潮熱。此為轉屬陽明也。脈已沈實。可與調承

氣湯下之。當與六七日不大便參看。

調胃承氣湯見前

太陽病三日發汗不解頭不痛項不強不惡寒反惡熱蒸蒸發熱者屬胃也調胃承氣湯主之

病甫三日已經發汗邪氣得泄則發熱當解而不解是內熱反熾必其人胃陽素旺因發汗亡津液而轉屬陽明也故頭不痛項不強見太陽證已罷不惡寒反惡熱是陽明證已著可與調胃承氣湯調其胃而蒸熱自解要知日數不必拘當在脈證上講求

調胃承氣湯見前

若胃氣不和讖語者少與調胃承氣湯

讖語是胃熱所發調胃承氣乃下其熱而讖語自已少與者即調之之法

調胃承氣湯見前

小承氣湯證

太陽病若吐若下若發汗微煩小便數大便因硬者小承氣湯和之愈

太陽之壞病而轉屬陽明微煩小便數大便尚不當硬因妄治亡津液而然故用小承氣以潤其燥而和其胃也

小承氣湯 治大便微煩脈弦實數者

大黃錢半 厚朴錢半 枳實錢半

水煎去渣溫服得大便勿再服 太陽病不解因治壞而轉屬陽明故微煩小便數大便因硬而閉塞

不通也大黃通地道枳實消痞實厚朴除脹滿名之曰小味少力緩製小其服耳

大承氣湯證

得病二三日。脈弱無大陽柴胡證。煩躁心下硬。至四五日。雖能食。以小承氣湯。少少與之。令小安。至六日。與承氣湯一升。若不大便。六七日。小便少者。雖不能食。但初頭硬。後必漉。未定成硬。攻之必漉。須小便利。屎定硬。乃可攻之。宜大承氣湯。

得病二三日。尚在三陽之界。脈弱恐為無陽。無太陽少陽證。則病不在表。而煩躁心下硬。是陽邪已入陽明之裡。四五日尚能食。則胃中無寒。而便硬可知。少與小承氣微和胃氣。令煩躁少安。不竟除之者。以脈弱恐大便易動故也。六日後與小承氣。而七日仍不大便。脈必不弱。是為胃家實之小驗。小便若少。雖不能食。為胃有燥屎。恐津液還入胃中。但初頭硬。後必漉。得小便利。屎定硬。乃可用大承氣下之。下之若早。語言必亂。以脈弱為太陽中風。能食為陽明中風也。

大承氣湯 治腹脹小便利。屎定硬。脈實數大者。

大黃三錢厚朴三錢芒硝三錢枳實半錢

水煎去滓。溫服。得下勿再服。病六七日。不大便。堅實。腹脹及譫語潮熱。均宜以此攻之。大黃湯。滌熱實。芒硝軟硬。攻堅。枳實消痞。厚朴除滿。承氣曰大。味多力猛。製大其服也。

陽明病。脈遲微。汗出不惡寒者。其身必重。短氣。腹滿而喘。有潮熱者。此外欲解。可攻裏也。手足濇然而汗出者。此大便已硬也。大承氣湯主之。若汗多微發熱惡寒者。外未解也。其熱不潮。不可與承氣湯。若腹大滿不通者。可與小承氣湯。微和胃氣。勿令大泄下。

脈遲未可攻。恐為無陽。恐為在藏。故必表證悉罷。裏證畢具。方可大承氣攻下。汗出多而微惡寒者。是表證仍在。雖大滿不通。只可小承氣微和胃氣。勿令大泄下。胃實諸證。以手足汗出為可據。而潮熱尤為親切。

大承氣湯見前

小承氣湯見前

陽明病潮熱大便秘者可與大承氣湯不硬者不可與之若不大便六七日恐有燥屎欲知之法少與小承氣湯入腸中轉失氣者此有燥屎乃可攻之若不轉失氣者此但初頭硬後必溏不可攻之攻之必脹滿不能食也欲飲水者與水則噦其後發熱者必大便秘而少也以小承氣湯和之不轉失氣者慎不可與也

此必因脈之遲弱即潮熱尚不足據又立試法如無燥屎而攻之則胃家虛脹而不能食故雖潮熱使硬而少也要知不轉失氣者即渴欲飲水而不可與況攻下乎以小承氣為攻仍以小承氣為和總是慎用大承氣耳

大承氣湯同小承氣湯俱見前

陽明病讖語發潮熱脈滑而疾者小承氣湯主之因與承氣湯一升腹中轉失氣者更服一升若不轉失氣者勿更與之明日不大便秘脈反微瀯者裡虛也為難治不可更與承氣湯也

脈滑而疾為有宿食讖語潮熱下證已具與小承氣湯試之不轉失氣者宜為易動明日仍不大便秘乃胃家似實而脈反微瀯是陽證反見陰脈元氣衰而邪不受製也故為難治

小承氣湯見前

傷寒若吐若下後不解不大便秘五六日上至十餘日晡所發潮熱不惡寒獨語如見鬼狀若劇者發則不識人循衣摸床渴而不安微喘直視脈弦者生瀯者死微者但發熱讖語大承氣主之若一服利止後服



壞證有微劇微者是邪氣實當以下解一服利止後服只攻其實無乘其虛也劇者是邪正交爭當以脈辨其虛實弦脈象長是邪氣實不失為下證故生瀉脈象短是正氣虛不勝更下故死如見鬼狀獨語與鄭聲讖語不同乃邪氣盛而神明不治耳潮熱不大便不惡寒是邪實於胃尚為可下自直視不識人循衣摸床此潮熱時事故勿斷為死而以大承氣湯下之則病從下解矣

大承氣湯見前

陽明病其人多汗以津液外出胃中燥大便必硬硬則讖語小承氣湯主之若一服讖語止更宜復服

陽明主津液所生病故陽明病必多汗多汗是胃燥之因使硬是讖語之由一服讖語止大便雖未利而胃家濡潤可知承氣雖小不必更服以傷胃氣也

小承氣湯見前

下利讖語者有燥屎也宜小承氣湯

下利是大腸虛讖語是胃氣實胃實腸虛只須大黃以攻實無庸芒硝以軟堅也故宜小承氣湯

小承氣湯見前

汗出讖語者以有燥屎在胃中此為風也須下之過經而可下之若早語言必亂表虛裡實故也下之則愈宜大承氣湯

汗多亡津胃實則讖語以有燥屎在胃中而本於中風過經乃可下之下之若早表以早下而虛熱不解裡以早下而胃家不實如十三日不解過經下利而讖語日晡潮熱脈實沈數者宜大承氣下之而讖語自已

大承氣湯見前

陽明病譫語有潮熱及不能食者胃中必有燥屎五六枚也宜大承氣湯下之若能食者但硬耳

初能食及不能食胃實可知若能食大便硬是腸實而胃未實恐本中風未可下也譫語潮熱異且始宜大承氣下之耳

大承氣湯見前

病人不大便五六日繞臍痛煩躁發作有時者此有燥屎故也五六日不大便是陽邪已入於胃二腸附臍故繞臍痛以有燥屎故也煩躁有時謂日晡潮熱之時當下之宜大承氣湯

大承氣湯見前

大下後六七日不大便煩不解腹滿痛者此有燥屎也所以然者以本有宿食故也宜大承氣湯

得病時本有宿食故大下之後仍能大實痛隨利減故宜大承氣湯

大承氣湯見前

腹滿不減減不足言當下之宜大承氣湯

下後無變證則非不當下腹滿不減下之未盡也當更下之宜大承氣湯

大承氣湯見前

發汗不解腹滿痛者急下之宜大承氣湯

表雖不解邪甚於裡急當攻裡故宜大承氣湯裡和而表自解矣

大承氣湯見前

二陽併病見太陽證罷但發潮熱手足濇澀汗出大便硬而譫語者下之則愈宜大承氣湯

二陽併病見太陽未罷時便有可下之證今太陽已罷則種種皆陽明下證也宜大承氣湯

大承氣湯見前

陽明病發熱汗多者即下之宜大承氣湯

發熱汗多恐其亡陽當急下以存津液宜大承湯則裏和而熱解汗自止矣

大承氣湯見前

傷寒六七日目中不了了睛不和無表裏證大便難身微熱者此為實也急下之宜大承氣湯

傷寒七日不愈湯邪已實於裏目不了了由睛不和身微熱見大便已去無表證也不煩躁口渴是無裏證惟大便難為胃實胃家既實必濁邪上升清氣閉塞大承氣急下之則濁陰出下竅清陽走上竅矣

大承氣湯見前

少陰病得之二三日不大便口燥咽乾者急下之宜大承氣湯

熱淫於內腎水枯涸因轉屬陽明胃火上炎故口燥咽乾急下之則火歸於坎而津液自升大便自潤矣此若非本有宿食何得二三日便當急下如此

大承氣湯見前

少陰病自利清水色純青心下必痛口燥舌乾者急下之宜大承氣湯

自利而渴者屬少陰自利清水時必心下痛必口燥舌乾是土燥火炎水去而穀不去母病及子故色純青也大承氣急下之雖是通因通用其實仍是通因塞用

大承氣湯見前

少陰病六七日腹脹不大便者急下之宜大承氣湯

六七日當解不解因轉屬陽明是藏氣實而不能入則還之於府急攻之所謂已入於府者可下也  
大承氣湯月前

傷寒約編卷三

少陽病提綱

少陽之為病口苦咽乾目眩也

少陰居半表半裏口咽目不可謂表不可謂裡是表入裡裡出表也正是半表半裡開之可見合之不  
見恰合樞机之象為少陽一經之綱領苦乾眩三者皆相火上走空竅而為病兼風寒雜病言但見一  
證即是不必悉具

少陽傷寒證

傷寒脈弦細頭痛發熱者屬少陽少陽不可發汗發汗則譫語此屬胃胃和則愈胃不和則煩而躁

少陽初受寒邪病全在表故頭痛發熱與五六日而往來寒熱之半表不同弦為春脈細則少陽初出  
之象少陽少血不可發汗發汗則津液越出必胃燥而譫語若兼煩躁則為胃實矣

少陽中風證

少陽中風兩目無所聞目赤胸滿而煩者不可吐下吐下則悸而驚

少陽經絡繫於耳會於頭循於胸中為風木主相火風中其經則風動火炎故耳聾目赤胸滿而煩也

少陽主膽膽無出入津液重亡胆虛心亦虛故悸膽虛肝亦虛則驚雖不言脈可知其必弦而浮

少陽病欲罷脈

傷寒三日少陽脈小者欲已也

少陽受病當三四日發傷寒三日脈弦細屬少陽小即細也脈小而無頭痛發熱是少陽經中邪氣欲罷耳

### 太陽少陽併病

太陽與少陽併病脈弦頭項疼痛或眩暈時如結胸心下痞硬者當刺大椎第一間肺俞肝俞慎不可發汗則譫語若譫語不止當刺期門

脈弦屬少陽頭項疼痛屬太陽眩暈結胸心下痞則兩陽之併病也病在經脈非刺法不足以言巧肺俞屬太陽肝俞屬少陽刺之則兩經之邪並解若妄汗則津液越出必胃燥而譫語宜肅胆府以解兩經之邪柴胡桂湯加牡蠣主之

### 柴胡桂枝湯見太陽中風

太陽少陽併病而反下之或結胸心下硬下利不止水漿不下其人心煩

併病在兩陽而反下之如結胸者成真結胸結胸法當下今下利不止水漿不入是陽明閤病於下太陽開病於上少陽樞機無主其人心煩正是結胸證具煩躁者死也

### 小柴胡湯證

傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞硬或心下悸小便不利或不渴身有微熱或欬者小柴胡湯主之

少陽自受寒邪陽氣衰少既不能退寒又不能發熱至五六日鬱熱內發始與寒氣相爭而往來寒熱一也若太陽傷寒過五六日陽氣始衰餘邪未盡轉屬少陽而往來寒熱二也風為陽邪少陽為風木一中於風使往來寒熱不必五六日而始見三也少陽脈循胸脇邪入其經故苦滿膽氣不舒故默默

木邪犯土故不欲飲食相火內熾故心煩邪正相爭故寒熱往來而喜嘔也少陽為樞立方重在半裏而柴胡所主又在半表故小柴胡為和解表裡之主方

小柴胡湯 治寒熱往來脈弦數者

柴胡八分 參二分 夏黃芩半錢 甘草半錢 生薑三片 大棗三枚

水煎去渣溫服 胸中煩而不嘔去半夏人參加栝蒌實三錢 渴者去半夏加栝蒌三錢仍用人參

腹中痛者去黃芩加酒炒白芍錢半 脇下痞硬去大棗加牡蠣三錢 心下悸小便不利去黃芩

加茯苓錢半 身有微熱不渴去人參加桂枝八分 欬者去人參大棗生薑加五味八分 乾姜八分

邪中於脇則入少陽中於頰亦入少陽其氣遊行三焦宜小柴胡所主其邪無定居故有或然之證更

立加減法以禦其變也柴胡解表邪黃芩清裏熱即以人參預扶其正氣甘棗緩中 姜夏除嘔其姜夏

之辛一以佐柴芩而逐邪又以行甘棗之滯夫邪在半表勢已向裏未有定居所以方有加減藥無定

品之可拘也

傷寒中風有柴胡證但見一證使是不必悉具

柴胡為樞機之劑凡邪氣不全在表未全入裏者皆可用故證不必悉具而方亦有加減也

嘔而發熱者小柴胡湯主之

傷寒則嘔逆中風則乾嘔凡傷寒中風無麻黃桂枝證但見喜嘔而發熱者便是柴胡證不必寒熱往

來而始用也

小柴胡湯見前

陽結陰結證

傷寒五六日。頭痛汗出微惡寒。手足冷。心下滿。口不能食。大便鞭。脈沈細者。此為陽微結。必有表復有裏也。脈沈亦在裏也。汗出為陽微結。假令純陰結。不得復有外證。當悉入在裏矣。此為半在裏半在表也。脈雖沈細。不得為少陰病。所以然者。陰不得有汗。今頭出汗。故知非少陰也。可與小柴胡湯。設不了了者。得屎而解。

此少陰少陽之疑似證。大便硬。謂之結。脈浮數能食。曰陽結。沈遲不能食。曰陰結。陰不得有汗。然少陰亡陽亦有脈緊汗出者。蓋亡陽與陰結有別。亡陽則咽痛吐利。陰結則不能食。而大便反硬也。亡陽與陽結其別在汗。亡陽則衛外不固。汗必遍身。陽結則邪熱閉結。鬱汗只在頭也。陽明陽盛。故能食不大。便此為純陽結。少陽陽微。故不能食。而大便硬。此為陽微結。必究其病在半表微惡寒。亦可屬少陰。但頭汗出。始可屬少陽。反覆講明。病在少陽而非少陰。可與小柴胡。而無疑也。設不了了者。宜大豬胆汁導之。得屎而解矣。

小柴胡湯見前

豬胆汁方見陽明

小柴胡加減證

傷寒四五日。身熱惡風。頭項強。脅下滿。手足溫而渴者。小柴胡湯主之。

此太少兩陽併病。身熱惡風。頭項強。是太陽證未罷。脅下滿。已見少陽一證。便當小柴胡去參夏。加桂枝。枳實兩解之。則邪從樞轉。而太陽亦解矣。

小柴胡湯見前

陽明少陽合病

陽明病發潮熱大便溏。小使自可。胸脅滿者。小柴胡湯主之。

此陽明少陽合病。潮熱已屬陽明。大便溏而小使自可。未胃實。胸脅苦滿。用小柴胡和之。則邪熱從少陽而解。不復轉屬陽明也。

小柴胡湯見前

陽明病脅下硬滿不大便而嘔。舌上白胎者。可與小柴胡湯。上焦得通。津液得下。胃氣因和。身濺然而汗出解也。

不大便屬陽明。脇下硬滿而嘔。尚在少陽。舌上白胎。痰飲溢於上焦也。與小柴胡湯。則痰飲化而燥土潤。上焦得通。津液四布。則濺然汗出。而兩陽之病盡解矣。

小柴胡湯見前

傷寒嘔多。雖有陽明證。不可攻之。

陽明傷寒。嘔因水氣不散。此胃家未實。故禁妄攻也。

服柴胡湯已渴者。屬陽明也。以法治之。

此少陽將轉屬陽明之證。柴胡湯有參芍甘棗。服之反渴。必胃家已實。津液不足以潤胃。當行白虎承氣等法矣。

柴胡湯即小柴胡見前

白虎承氣二湯俱見陽明

熱入血室

婦人中風七八日。續得寒熱。發作有時。經水適斷者。此為熱入血室。其血必結。故使如癡狀。發作有時。小



柴胡湯主之

中風至七八日。寒熱已過。復得寒熱。發作有時。此不在氣分而在血分。必月事來時。血室虛。邪熱乘虛內結。故適斷耳。小柴胡加歸赤則血分之結熱散而寒熱自解矣。

小柴胡湯見前

柴胡桂枝湯證

傷寒六七日。發熱微惡寒。肢節煩疼微嘔。心下支結。外證未去者。柴胡桂枝湯主之。

傷寒至六七日。正寒熱當退之時。反見發熱微惡寒之表。而兼心下支結之裡。是表裡未解也。然惡寒微則發熱亦微。但肢節煩疼支結是微結而微嘔合柴胡桂枝二湯以兩解之。則表裡之邪盡解矣。

柴胡桂枝湯 治兩湯合病寒熱支結脈弦浮數者

柴胡錢半 芍藥錢半 桂枝錢半 人參錢半 黃芩錢半 甘草錢半 半夏錢半 生薑錢半 大枣三枚

水煎去渣溫服。兩陽併病寒熱雖微而肢節煩疼微嘔。心下支結是太陽之陽邪併入少陽而邪微結也。故以桂枝解太陽未盡之邪。柴胡解心下之微結。微嘔合兩方為一。則兩陽表裡之邪無不盡解矣。此為兩湯並解之良法。

凡柴胡湯病而反下之。若柴胡證不能者。復與柴胡湯。必蒸蒸而振。却發熱汗出而解。

誤下柴胡證而仍與柴胡湯。因其人不虛。故不壞病。但清陽既陷。邪不振發。故必蒸蒸發熱。始汗出。津而邪得外解矣。

柴胡湯見前

柴胡桂枝乾薑湯證

傷寒六七日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之初服微煩復服汗出使愈

汗下後而柴胡證仍在者仍用柴胡湯加減此因微結一證故變其方名耳此微結與陽明微結不同陽微結對純陰結而言是指大便硬病在胃此微結對大結胸而言是指心下痞其病在胸脇與心下硬心下支結同義

柴胡桂枝乾薑湯 治汗下後胸脇滿微結脈數緊細者

柴胡八錢黃芩錢桂枝八分芍藥錢乾姜八分甘草五分牡蠣

水煎去渣溫服 汗下後胃氣既虛餘邪陷伏渴而不嘔似太陽病溫但頭汗出仍似少陽傷寒故此方全是柴胡加減法心煩不嘔而渴故去參夏加芍藥胸脇滿而微結故去棗加牡蠣小便雖不利而心下不悸故不去黃芩不加茯苓雖渴而表未解故不用參而加桂以乾薑易生薑散胸脇之滿結也初服煩即微是黃芩括蕞之效繼服汗出週身而愈者薑桂之力也

柴胡加龍骨牡蠣湯證

傷寒八九日下之胸滿煩驚小便不利讖語一身盡重不可轉側者柴胡加龍骨牡蠣湯主之

妄下後熱邪內攻故煩驚讖語是心君不寧而神明內亂也小便不利火盛水虧也一身盡重陽內而陰反外也難以轉側是少陽之樞機不利此下多亡陰與火逆亡陽不同故以此湯主之

柴胡加龍骨牡蠣湯 治下後胸滿煩驚脈細數者

柴胡八錢黃芩錢桂枝八分茯苓錢人參八分大黃錢牡蠣三錢半夏錢龍骨三錢鉛丹錢生薑三片大棗三枚

水煎去渣溫服 煩驚讖語因於下後而兼胸滿身重是少陽之陽邪歸併陽明而病熱故難以轉側

也取小柴胡轉少陽之樞加大黃以開陽明之閤滿者忌甘故去甘草小便不利故加茯苓鑿鑿乾金之體受癸水之氣力能墜熱安神龍為東方之神骨具西金之體鎮驚平木最效牡蠣靜可鎮驚性性寒能除煩躁且鹹能潤下佐茯苓以利水又能軟堅佐大黃以清胃也半夏引陽入陰善治目不眠乃化飲安神之品人參通血脈桂枝行營氣一身盡重不可轉側者在所必需此柴胡方加減而以龍蠟名之者乃血氣之屬同氣相求耳

柴胡加芒硝湯證

傷寒十三日下之胸膈滿而嘔日晡所發潮熱已而微利此本柴胡證下之而不得利今反利者知醫以丸藥下之非其治也潮熱者實也先宜小柴胡以解外後以柴胡加芒硝湯主之

此少陽陽明併病日晡潮熱已屬陽明而利既不因下藥潮熱嘔逆又不因利而除故知誤不在下而在丸藥丸藥發作既遲不能蕩滌腸胃而戀膈傍流也先服小柴胡以解少陽之邪後加芒硝以滌陽明之熱不加大黃者以地道原通不用大柴胡者以中氣已虛也

小承氣湯見前

柴胡加芒硝湯 治少陽陽明併病脈數弦長者

柴胡錢半 黃芩錢半 半夏錢半 人參錢半 甘草錢半 生薑錢半 大棗錢半 芒硝錢半

水煎去渣溫服 兩陽併病熱已內結故雖下利仍主此方芒硝滌結潤燥以下陽明內瘕之熱柴胡和解表裡以祛少陽不解之邪此少陽陽明併病之劑為少陽不解熱蓄陽明之端方

調胃承氣湯證

太陽病過經十餘日心下溫溫欲吐而胸中痛大便反澹腹微滿鬱鬱微煩先其時極吐下者與調胃承

氣湯若不爾者不可與但欲嘔胸中痛微澹者此非柴胡證以嘔故知極吐下也

太陽過經不解不轉屬陽明則轉係少陽心煩喜嘔為柴胡證胸中痛大便澹腹微滿皆不是柴胡證但欲嘔一證似屬柴胡當深究其欲嘔之故必十日而吐下而誤之壞病也是太陽轉屬陽明而不屬少陽胃氣雖傷餘邪未盡故與調胃承氣和之則胃氣調和而煩痛自平矣

調胃承氣湯見前

### 大柴胡湯證

太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩而下利者為未解也與大柴胡湯下之則愈

屢經妄下十餘日而柴胡證仍在者因其人不虛故樞機有主而不為壞病也與小柴胡和之表證稍除內尚不解以前此妄下但去腸胃有形之物而未泄胸膈氣分之結熱且故用薑夏以除嘔柴苓以去煩大棗和裡枳實舒急而曰下之則愈見大柴胡為氣分之下藥歟

小柴胡湯見前

### 大柴胡湯 治少陽熱結胸中脈弦數者

柴胡八錢半 枳實錢半 芍藥錢半 黃芩錢半 半夏錢半 生薑五片

水煎去渣溫服 熱結胸中少陽不解故心下急鬱鬱微煩而嘔不止者為大柴胡證因往來寒熱故倍生薑佐柴胡以解表結熱在裡故去麥甘之補益加枳芍以舒急也後人因下之二字妄加大黃要知條中並無大便硬更有下利證則不得妄用大黃以傷胃氣也

傷寒十餘日熱結在裏復往來寒熱者與大柴胡湯

裏者對表而言是指熱結氣分故十餘日復能往來寒熱大柴胡倍用生薑佐柴胡以解表去麥甘之溫補加枳芍之酸寒佐荳夏以破熱結也

大柴胡湯見前

傷寒發熱汗出不解心下痞硬嘔吐而下利者大柴胡湯主之

嘔而發熱汗出蒸蒸是表不解心下痞硬脇熱下利是裏不解故用大柴胡破裡之結熱以解表也  
大柴胡湯見前

小建中湯證

傷寒二三日心中悸而煩者小建中湯主之

傷寒二三日無陽明少陽之表但心中悸而煩是少陽中樞受寒木邪挾相火為患非辛甘助陽酸苦維陰則中氣立亡矣故用桂枝通心散寒甘棗飴糖助脾安悸白芍瀉火除煩生薑佐金平木此雖桂枝湯加飴倍芍即名建中寓發汗於不發之中曰小者以半為解表不全固中也

小建中湯 治中虛煩悸表不解脈緩弱者

白芍酒洗桂枝炙甘草炙生薑三片大棗三枚飴糖五錢

水煎去渣溫服 中氣虛餒表受寒邪則遏鬱不解木挾相火為患故煩而且悸為建中湯證即桂枝湯加飴倍芍取酸苦以平厥陰之火辛甘以緩脾家之急有安內攘外瀉中寓補之功故名曰建外證未除尚資薑桂以解表不全主中故名曰小耳

小建中小柴胡證

傷寒陽脈濡陰脈弦法當腹中急痛先用小建中湯不差者小柴胡湯主之

尺寸俱絀為少陽受病。今陽脈瀯而陰脈絀是寒傷厥陰而不在少陽。陽脈瀯是陽氣不舒。表寒不解。陰脈絀為木邪必挾相火。相火不能禦寒。必還入厥陰而為患。厥陰抵少腹。挾胃屬肝絡脾。則腹中皆厥陰之部。故腹中急痛。非甘以緩之。酸以瀉之。辛以散之。不能解也。此小建中為厥陰驅寒發表。平肝止痛之劑。然邪入厥陰腹中必痛。原為險證。一劑建中未必成功。當更用柴胡。今不邪直走少陽。使有出路。陰出之陽則愈也。

小建中湯見前

小柴胡湯見前

嘔家不可用建中湯以甘故也。

此建中湯禁與酒客不可與桂枝湯同義。建中湯即小建中湯見前

黃連湯證

傷寒胸中有熱。胃中有邪氣。腹中痛。欲嘔吐者。黃連湯主之。

邪氣即寒氣。胸中蓄熱。上形寒。邪從胃侵。逆是寒格於中。熱不得降。故上炎作嘔吐也。胃陽不舒。故腹中痛。此病在焦府之半表裡。故以黃連瀉胸中蓄熱。薑桂散胃中寒逆。甘草緩中止腹痛。半夏除嘔。人參益虛。雖無寒熱。往來於外。實有寒熱。相待於中。仍不離寒熱兩調之治法。

黃連湯 治寒熱相結。腹痛嘔吐。脈繁細數者。

黃連錢半 乾薑錢半 桂枝錢半 人參錢半 半夏錢半

水煎去渣溫服。寒邪格熱。腹痛嘔吐。因於傷寒。不得不審其表也。雖無寒熱。相待於外。實有寒熱。相搏於中。故以黃連瀉胸中之熱。乾薑逐胃中之寒。桂枝散胃口之滯。甘草緩腹中之痛。半夏除嘔。人參

益虛且以調平格逆之氣以和其寒熱耳

黃芩湯黃芩加半夏生薑湯證

太陽與少陽合病自下利者與黃芩湯若嘔者黃芩加半夏生薑湯主之

太少兩陽合病必陽盛陰虛陰虛則陽氣下陷陰中故自下利也與黃芩湯徹熱益陰緩中止泄若嘔者其上焦不和加半夏生薑以除水氣則兩陽之患自平矣

黃芩湯 治兩陽合病下利脈浮數者

黃芩錢半白芍錢半炙甘草大棗三枚

水煎去渣溫服 嘔者加半夏生薑 兩陽併病必自下利是陽盛陰虛陽氣下陷入陰中也故以黃

芩泄大腸之熱芍藥斂大陰之虛甘草調中州之氣雖非胃實亦非胃虛故不必人參以補中也嘔是上焦水氣未散故仍加薑夏即柴胡桂枝湯去柴桂人參

陽明少陽合病必自下利其脈不負者順也負者失也互相尅越名為負 少陽負跌陽者為順也

兩陽合病必見兩陽之脈陽明脈大少陽脈弦此為順脈若大而不弦負在少陽弦而不大負在陽明是互相尅賊皆不順之候也木能尅土少陽為賊邪若少陽負而陽明不負亦負中之順脈矣

傷寒約編卷四

太陰病提綱

太陰之為病腹滿而吐食不下自利益甚時腹自痛若下之必胸中結硬

太陰主三陰之裡為陰中至陰寒濕傷之則腹滿吐利其經從足入腹寒氣時上故腹時痛而食不下也脈當沉細宜理中湯溫中散寒則寒濕化而腹痛吐利自解也若以腹滿為實而誤下之胃口受寒

故胸下結硬

理中湯 治腹痛自利脈沈者

白朮三錢 炮薑半錢 人參半錢 炙甘草一分

水煎去渣溫服 傷寒脾土不能制濕而濕伏不化脾病則胃亦病故食不下而腹痛吐利也白朮倍脾土之虛人參益中宮之氣炮薑煖胃腕之寒甘草緩三焦之急且乾薑得白朮能除滿而止吐人參得甘草能療痛而止利或湯或丸隨病酌宜

自利證

傷寒四五日腹中痛若轉氣下趨少腹者此欲自利也

太陰從濕化故腹中痛轉氣下趨是下利之兆四五日乃太陰發病之期

四逆湯證

自利不渴者屬太陰以其藏有汗故也當溫之宜四逆輩

太陰為開主自利藏有寒故不渴脈當沈遲宜四逆湯溫之則春回寒谷而利自止矣

四逆湯見太陽

太陰發黃證

傷寒脈浮而緩手足自溫者繫在太陰太陰當發身黃若小便自利者不能發黃至七八日雖暴煩下利日十餘行必自止以脾家實腐穢當去故也

太陰受濕熱故脈浮緩不發熱而手足溫是太陰經傷寒也太陰為陰中至陰陰寒相合無熱可發手足為諸陽之本故自溫寒濕傷於肌肉不得越於皮膚故當發身黃宜理中湯加茵陳若小便自利則



濕熱下泄身不發黃暴煩下利是濕熱下趨此脾家不虛穢盡自愈耳

傷寒下利日十餘行脈反實者死

傷寒太陰下利而脈反實此脾氣虛而邪氣盛是正氣反虛而邪不受制故死

桂枝加芍藥加大黃二湯證

太陰病脈弱其人續自便利設當行大黃芍藥者宜減之以其胃氣弱易動故也

自利是太陰本證因脾陰弱而腹滿時痛當倍加芍藥大實而痛當稍加大黃脈弱宜制小恐易動也

桂枝加芍藥湯 治太陰腹滿時痛脈弱者

桂枝分芍藥三錢炙甘草三錢生薑三片

水煎去渣溫服 太陰陽邪不解因內陷而脾陰受傷不勝陽邪之內搏故腹滿時痛焉桂枝解內陷

之邪倍加芍藥以和陰而除滿痛此為用陰和陽法

桂枝加大黃湯 治太陰腹大實痛脈沈數者

桂枝半錢白芍半錢甘草六分大棗三枚生薑三片大黃半錢

水煎去渣溫服 脾陰虧弱則胃陽轉燥故胃家亦實而腹大實痛也用桂枝湯轉輸脾液以解未盡

之邪稍加大黃濡潤胃熱以除實痛此是兩解表裏之法

太陰桂枝證

太陰病脈浮者可發汗宜桂枝湯

脈浮者病在表是表有風邪故可發汗太陰主開是裡之表證故用桂枝桂枝湯是表之裡藥也

桂枝湯見太陽

太陰中風證

太陰中風四肢煩疼陽微陰濇而長者為欲愈

風為陽邪四肢為諸陽之本太陰中風陰氣衰少而兩陽相搏故四肢煩疼也風脈本浮今而轉微則風邪當去病脈本濇今而轉長長則氣治故其病為欲愈

寒實結胸證

寒實結胸無熱證者與三物小陷胸湯為散亦可服

太陰腹滿時痛而反下之寒邪與寒熱相結成寒實結胸內外無熱證也宜三白小陷胸湯開之則寒實消散而胸下結硬自除矣

三物白散 治實寒結胸脈實者

桔梗兩貝母二兩巴豆三錢去皮熬黑研泥

二物為散內巴豆同杵白欬和服一錢匙弱人量減

腹滿時痛是陽邪搏陰誤下之則陰氣與寒藥相結故成寒實結胸貝母開心胸鬱結之氣桔梗提胸中下陷之氣然微寒之品不足勝結硬之陰邪非巴豆之辛熱斬關而入何以能使胸中之陰氣流行也

病在膈上者吐在膈下者必利

病原吐利因胸下結硬反不能通因其勢而利導之塞因通解也

不利進熱粥一杯利過不止進冷粥一杯

淡粥為陰中之湯。熱瀉冷補。亦助藥力。小便之意。

傷寒約編卷五

少陰病提綱

少陰之為病。脈微細。但欲寐也。

三陰以少陰為樞。微為水象。微細而沈。陰之少也。衛氣行陰則寐。少陰病則入陽分多。故欲寐。欲寐是病人意中非實能寐也。

少陰自利證

少陰病欲吐不吐。心煩欲求寐。五六日自利而渴者。屬少陰虛也。故引水自救。若小便色白者。以下焦虛。有寒不能制水故也。

欲吐不得吐。欲寐不得寐。是少陰樞機之象。五六日正少陰發病之期。少陰脈絡心。從火化。下焦虛則坎中之陽不能引水上交。故心煩而渴。關門不閉不能制水。故自利而小便色白也。若但治上焦之實。熱不顧下焦之虛寒。則熱病未除而下利漫無止期矣。

少陰病脈

少陰病脈沈細。數病為在裏。不可發汗。

沈為在裏。病亦在裏。少陰脈沈者。當溫然。數則為熱。又不可溫。更不可汗。言外使當滋陰和陽矣。

少陰病脈微。不可發汗。亡陽故也。陽已虛。尺中弱。瀉者復不可下之。

諸微為無陽。諸瀉為少血。汗之則亡。陽下之則亡。陰陽虛者。既不可汗。即不可下。其尺中弱瀉者。復不可下。亦不可汗也。

病人脈陰陽俱緊反汗出者亡陽也此屬少陰法當咽痛而復吐利

脈陰陽俱緊緊則為寒當屬少陰陰虛生內熱故身無熱而反汗出也亡陽者虛陽不歸少陰不藏上焦從火化而咽痛嘔吐下焦從陰虛而下利不止也宜八味腎氣丸作湯則坎火歸原而下利汗出自止咽痛嘔吐自除矣

八味腎氣湯 治少陰亡陽咽痛吐利脈陰陽俱緊者

熟地六錢黃肉三錢附子三錢鹽水炒肉桂二錢山藥三錢澤瀉半錢茯苓二錢丹皮半錢

水煎去渣溫服 陽亡則衛外不密而汗出吐利陰虛則坎中火發而咽痛脈緊此即少陰亡陽證也 熱地滋陰補腎 黃肉秘氣溢精 丹皮瀉君相伏火 澤瀉瀉膀胱水邪 山藥退虛熱 健脾益陰 茯苓神滲濕 熱通腎交心 更加桂附以導引虛陽歸納真氣 則陽回而咽痛自止 汗出吐利無不除矣

脈陰陽俱緊者口中氣出唇口燥乾鼻中涕出蹇卧足冷舌上胎滑勿妄治也到七日以來其人微發熱手足溫者此為欲解或到八日以上反大發熱者此為難治設此惡寒者必欲嘔也腹內痛者必欲利也少陰脈絡肺肺主鼻故鼻中涕出少陰絡舌本故舌上胎滑少陰大絡注諸絡以溫足脛故足冷諸證全似亡陽而不名亡陽者外不汗出內不吐利也口中氣出唇口燥乾鼻中涕出此為內熱陰陽俱緊舌上胎滑蹇卧足冷又是內寒此少陰為樞故見寒熱相持之證勿妄治謂治之不當寧靜以待之到七日一陽來復微發熱手足溫是陰得陽而解也若微熱不解八日以上反大發熱恐蓄熱有餘或發癰膿或使膿血為難治若七日時不能發熱以陰陽俱緊之脈反如惡寒是寒甚於表上焦應之必欲吐也如反加腹痛是寒甚於裡中焦應之必欲利也

脈陰陽俱緊至於吐利其脈獨不解緊去人安此為欲解

陰陽俱緊之脈至於吐利緊脈不去為亡陽緊去則吐利止而其人可安也

少陰病脈緊至七八日自下利脈暴微手足反溫脈緊反去者為欲解也雖煩下利必自愈

此回陽脈證玩反溫前此已冷可知微本少陰脈煩利本少陰證至七八日陰盡陽復之時緊去微見所謂邪氣之來緊而疾穀氣之來徐而和也煩則陽已反於中宮溫則陽已敷於四末陰平陽秘故煩利自止也

少陰中風脈

少陰中風脈陽微陰浮者為欲愈

陽微復少陰本體陰浮知坎中陽回微則不緊浮則不沈即暴微而緊反去之謂邪從外來仍有內出故愈

少陰傷寒證

少陰病若利自止惡寒而踈臥手足溫者可治

少陰傷寒下利是坎宮不藏一陽無蔽陰盛陽虛故惡寒而踈臥也今利自止則陽已返於中宮手足溫則陽已敷於四末故可治

少陰病惡寒身踈而利手足逆冷者不治

傷寒以陽為主陰盛則踈臥而惡寒下利不止手足逆冷是六府氣絕於外者手足寒五臟氣絕於內者利下不禁故不可治

少陰病惡寒而踈時自煩欲去衣被者可治

陽盛則煩時自煩是陽漸回故欲去衣被者為可治

少陰病四逆惡寒而趺脈不至不煩而躁者死

陰極則躁四肢逆冷是陽已先脫脈不至是心腎氣竭不煩而躁惟形獨存故死

少陰病吐利手足不逆冷反發熱者不死脈不至者灸少陰七壯

上吐下利是胃脫之陽將脫手足不逆冷乃諸陽之本猶在也反發熱為衛外之陽尚存急灸少陰則陽可復而吐利可止矣

少陰病吐利煩躁四逆者死

吐利而兼煩躁胃陽已脫四肢逆冷有陰無陽故死

少陰病脈微瀉嘔而汗出大便數而少者宜溫其上灸之

脈微瀉嘔而汗出是上焦之陽已外亡大便數少而不下利是下焦之陽尚存急灸百會以溫其上則陽猶可復而汗可斂嘔可平矣

少陰病脈沈微細但欲臥汗出不煩自欲吐至五六日自利復煩燥不得臥寐者死

脈沈微細是少陰本脈欲臥欲吐是少陰本證當心煩而反不煩反汗出亡陽已兆於始得之日五六日自利反煩躁不得臥是微陽將絕必無生理矣

少陰病下利止而頭眩時時自冒者死

冒家汗出則愈今頭眩而時時自冒者是清陽之氣已脫非陽回而利自止也可知水穀已竭無物更行故死

少陰病六日息高者死

氣息者腎間動氣三焦生氣之原也息高者但出心與肺不能入腎與肝是生陽之氣已絕故死六經

中惟少陰應言死證可知少陰病是生死關

病六七日手足三部脈皆至大煩而口噤不能言其人躁擾者必欲解也若脈和其人煩目重臉內際黃者此欲解也

三部手足皆至脈道原通有根有本大煩躁擾是陰出之陽非陰極當躁也口噤不能言因脈氣初復營血未調而心脾氣滯不運非死證也若其脈調和雖大煩不解亦不足慮更視目重臉內際屬脾色黃而不雜他藏之色為至陰未虛雖口噤亦不足慮均為欲解耳

麻黃附子細辛湯證

少陰病始得之無汗惡寒反發熱脈沈者麻黃細辛湯主之

少陰主裏病當無熱始受寒邪即使發熱似病在太陽而屬之少陰者以少陰不藏坎陽無蔽則腎氣獨沈故反發熱脈沈也病在表脈浮者可發汗可知脈沈者病在表亦不得不汗矣沈為在裏而反發其汗津液越出亡陽則陰獨故用麻黃開腠理細辛散浮熱即以附子固元陽則陽不外亡而寒邪自解矣

麻黃附子細辛湯 治少陽傷寒反發熱脈沈者

麻黃八分附子錢半細辛五分

水煎去渣溫服 少陰傷寒一陽無蔽故假借太陽之面目而反發熱也麻黃開腠理細辛散浮熱即以附子固元陽則汗自出而陽不亡寒自散而精得藏元陰可不被其擾矣此少陰陽虛傷寒之托裡解外法

少陰病始得之二三日麻黃附子甘草湯微發汗以二三日無裏證故微發汗也

無裏證只有表證以甘草易細辛故為微發汗必微惡寒微發熱故當微發汗也  
麻黃附子甘草湯 治少陰傷寒微發熱惡寒脈沈者

麻黃分附子熾半甘草分

水煎去渣溫服 少陰傷寒坎陽無蔽不能鼓邪外出故微發熱微惡寒而並無裡證也故以麻黃開

腠理附子固元陽以甘草之緩中易細辛之辛散所以為緩中和陽微發汗之劑

少陰傳經使血證

少陰病八九日一身手足盡熱者以熱在膀胱必使血

發於陰者六日愈至七日其人微熱手足溫是陰出之陽則愈至八日以上反大發熱此腎移熱於膀

胱膀胱熱則太陽經皆熱太陽主一身之表為諸陽生氣手足為諸陽之本故一身手足盡熱太陽經

多血血得熱則行陽病者上行極而下故尿血也

火劫證

少陰病欬而下利譏語者被火氣劫故也小便必難以強責少陰汗也

欬因傷寒譏語因火劫以腎主五液少陰病液不上升故陰不得有汗也不得已用麻黃發汗即用

附子固裏豈可火劫之而強發汗哉頓使津液暴亡小便難而譏語矣

下厥上竭證

少陰病但厥無汗而強發之必動其血未知從何道出或從口鼻或從目出是名下厥上竭為難治

陽不外達四肢逆冷為厥厥為無陽不能作汗若強發之不能汗必動血陰絡傷而血下行則猶或可

救陽絡傷而血上溢則便難挽回矣



附子湯證

少陰病身體手足寒骨節痛脈沈者附子湯主之

少陰陽虛陰寒切體故身體痛四肢不得稟陽氣故手足寒邪從陰注骨故骨節痛是少陰不藏腎氣獨沈也宜附子溫之則虛陽自回而寒邪自解骨節諸痛自舒矣

附子湯 治少陰傷寒身痛骨痛脈沈者

附子錢半 人參錢半 茯苓錢半 白芍錢半 白朮錢半

水煎去渣溫服 少陰傷寒陽虛不能鼓邪外出故陰寒切體而身痛骨痛也附子壯火以禦寒人參補元氣以固本白朮培太陰之土白芍斂厥陰之木茯苓清治節以利少陰之水利則土厚木榮

火自生寒自解骨節諸痛無不自除矣此扶陽禦寒益陰固本之劑為少陰虛寒證之第一要方

少陰病得之二三日口中和其背惡寒者宜灸之附子湯主之

口中兼咽舌言和者不燥乾而渴五臟之俞皆系於背背惡寒者背俞陽虛陰寒得以乘之見於二三日其平素虛寒可知急救背俞溫以附子湯壯火之主而惡寒自罷矣

附子湯見前

真武湯證

少陰病二三日不已至四五日腹痛小便不利四肢沉重疼痛自下利者此為有水氣其人或嘔或小便利或下利鳴者真武湯主之

小便不利是病根腹痛下利四肢沉重疼痛皆水氣為患坎中火用不宣腎家水體失職是下焦虛寒不能制水故也法當壯元陽以消陰翳逐留垢以清水源因立此湯後三項是真武加減法非生證也

傷寒約編

卷五

傷寒約編

卷五

二十四續

真武湯 治少陰傷寒水氣不散脈沈絀者

附子燬白芍燬白木燬半茯苓三錢生薑三錢

水煎去渣溫服 效者加五味細辛 小便利而下利者去芍藥茯苓加乾薑 嘔者去附子倍生薑

少陰傷寒水氣不散故腹痛小便不利四肢沈重疼痛而下利也附子壯坎中之陽芍藥收炎上之氣

茯苓清肺利水之用白木培土制水之溢生薑散四肢之水五品成方洵為壯火崇土散水安腎之劑

加五味細辛以治效去芍藥茯苓加乾薑以治下利而小便自利去附子倍生薑以治嘔皆是隨證救

治之法

太陽病發汗汗出不解其人仍發熱心下悸頭眩身瞤動振振欲辟地者真武湯主之

汗出不解是太陽陽微不能衛外而為固少陰陰虛不能藏精而為守仍發熱而心下悸可知坎陽外

亡腎水上凌心主故頭眩身瞤振振欲辟地也用真武湯則腎火歸原水氣自降而外熱因之亦解矣

真武湯見前

桃花湯證

少陰病二三日至四五日腹痛小便不利下利不止便膿血者桃花湯主之

少陰病兼中氣虛二三日乃戊土見證之日四五日正少陰發病之期水火不歸土金失職故腹痛小

便不利下利不止而使膿血也乾薑同石脂溫中而止痛止利乾薑同粳米崇土以利水清膿也

桃花湯 治少陰腹痛便膿血脈沈細者

乾薑錢半赤石子錢半粳米五錢

水煎亦可為散 少陰傷寒火土不振而邪陷不解故小便不利腹痛便膿血也乾薑炮黑溫中而止

痛止血石脂醋煨瀉腸而止利清膿佐以粳米培土利水水利土強則下利自止膿血自清也  
四逆湯證

脈浮而遲表熱裏寒下利清穀者四逆湯主之

脈法浮為在表遲為在藏遲從浮見是浮為表虛而遲為藏寒也下利至於清穀必其人胃氣本虛寒邪直入脾藏胃陽垂亡全賴此表熱尚可救其裏寒四逆湯溫之則裏和而表熱解矣

四逆湯 治少陰病表熱裏寒下利清穀脈浮遲者

附子錢半 乾薑錢半 甘草八分

水煎去渣溫服 少陰傷寒虛陽不歸而胃氣不化故下利清穀表熱裏寒也附子補火回陽乾薑溫中散寒炙甘草緩三焦之急必得人參大補元氣則陽可回而裡寒自解外熱亦退矣 凡治虛證以裏為重按熱下利脈微弱者用人參此脈遲而利至清穀不煩不渴是中氣不虛元氣將脫但溫不補何以救逆乎必因本方之脫落而抄錄者仍之耳

下利清穀不可攻表汗出必脹滿

裡氣虛寒不能為陽之守賴表陽之尚存得以衛外而為固故攻之則更虛其表妄汗亡陽則藏更寒而生脹滿矣

下利腹脹滿身體疼痛者先溫其裏

下利脹滿裡寒而胃氣不化也身體疼痛表寒而衛陽外亡也先救其裏治其本矣  
傷寒下之後續得下利清穀不止身疼痛者急當救裏宜四逆湯

下後胃陽已亡故下利清穀不止身疼痛是表寒不解四逆湯急溫其裡則裏和而表亦解矣

四逆湯見前

病發熱頭痛脈反沈若不差身體疼痛者當救其裡宜四逆湯

發熱頭痛是太陽麻黃證脈當浮而反沈者是陽症見陰脈也熱雖發於表為虛陽寒反據於裡為真寒也汗之不差自身疼不除乘裏證未發四逆湯急溫其裏則裏和而表自解庶無吐利厥逆之患

四逆湯見前

大汗若大下利而厥冷者四逆湯主之

大汗則亡陽大下則亡陰陰陽俱虛竭故厥冷也四逆湯急溫之則陽回而生猶可望矣

四逆湯見前

大汗出熱不去內拘急四肢疼又下利厥逆而惡寒者四逆湯主之

汗之失宜雖大汗出而熱不去惡寒不止表未解也內急拘而下利是裏寒已甚四肢疼而厥冷乃表寒又見可知其表熱裏寒即表虛而亡陽者四逆湯急溫之冀回春於萬一

四逆湯見前

嘔而脈弱者身有微熱見厥者難治四逆湯主之

嘔而發熱者小柴胡證此脈弱而發熱非相火明矣內無熱故小便利裡寒甚故見厥膈上有寒飲故嘔也傷寒以陽為主陽消陰長故難治勉以四逆湯溫之冀挽回于萬一

四逆湯見前

既吐且利小便復利而大汗出下利清穀內寒外熱脈微欲絕者四逆湯主之

吐利交作中氣大虛也完穀不化脈微欲絕氣血喪亡矣小利復利而大汗出是空府不開門戶不要

也猶幸身熱不去手足不厥則諸陽之本與衛外之陽尚存且脈亦未脫可望一線生機四逆湯急溫則正勝而邪可却耳

四逆湯見前

吐利汗出發熱惡寒四肢拘急手足厥冷者四逆湯主之

吐利則清穀汗出不大而手足厥冷惟賴發熱之表陽急以四逆湯溫之尚有可愈之機

四逆湯見前

四逆加人參湯證

惡寒脈微而復利利止亡血也四逆加人參湯主之

利雖止而惡寒未罷仍宜四逆湯溫之以其脈微為無血無血即亡陽也四逆湯當倍人參通血脈以治之

四逆加人參湯 治少陰病惡寒下利脈微者

附子錢半 人參錢三 乾薑錢半 炙甘草錢半

水煎去渣溫服 陽亡則衛外不密猶賴胃陽猶存故利雖止而惡寒未罷也當於四逆湯中倍用人參則陽回而惡寒自罷人參附子補火回陽乾薑炙甘草煖胃溫中洵為扶元補火之劑乃亡陽陰竭之

主方

通脈四逆湯證

少陰病下利清穀裏寒外熱手足厥逆脈微欲絕身反不惡寒其人面色赤或腹痛或乾嘔或咽痛或利止脈不出者通脈四逆湯主之

下利清穀寒甚於裏也手足厥冷陰盛於外也身反不惡寒面赤為陽鬱利止咽痛為陽回腹痛乾嘔是寒甚於裏乃寒熱交爭於表裏脈微欲絕是少陰本脈利止脈不出是陽雖回而氣閉不行也通脈四逆湯裡通脈脈出則厥愈從陽而生脈不出厥不還則從陰而死矣

通脈四逆湯 治少陰病下利清穀厥逆戴陽脈微欲絕或脈不出者

附子錢半 乾薑錢半 甘草白葱九

水煎去渣溫服 腹中痛加白芍 嘔加生薑 咽痛去芍藥加桔梗 利止脈不出者去桔梗加人

參

陽虛於裏寒盛於中則虛陽鬱而不伸陰寒伏而不化故裏寒外熱下利清穀而厥逆戴陽也四逆之劑恐不足起下焦元陽而續欲絕之脈故加葱以通之葱秉東方之色能行少陽生發之機葱入肺以行營衛之氣牽領薑附甘參奏捷於經藏之間而氣自通脈自復虛陽得歸則裏寒自化而外熱亦解矣

下利清穀裏寒外熱汗出而厥者通脈四逆湯主之 下利脈沈而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

脈證皆輕故能鬱冒汗出而解面赤為陽戴於上因其人下虛故下利清穀而厥逆也熱微厥亦微故面亦少赤耳通脈四逆湯溫之則陽自回而厥還病愈矣

通脈四逆湯見前

凡厥者陰陽氣不相順接便為厥厥者手足逆冷是也

手足六經之脈皆自陰傳陽自陽傳陰陰氣勝則陽氣不能達於四肢故為寒厥耳

諸四逆厥者不可下之。虛家亦然。

熱厥方可下。寒厥為虛慎不可妄下。

傷寒五六日。不結胸腹濡脈。虛復厥者不可下。此為亡血下之死。

腹濡脈虛內無熱結可知。不結胸而復厥者為亡血。乃陽不外敷也。下之則微陽竭滅。故死。

病者手足厥冷。言我不結胸。小腹滿。按之痛者。此冷結在膀胱關元也。

關元在臍下三寸。小腸之募。三陰任脈之會。冷結則陽不外達。故厥冷。宜灸之。當知結胸有熱厥者。

傷寒脈促。手足厥者。可灸之。

促為陽脈有陽虛而促者。亦有陰盛而促者。促與結要貨代脈之互文。皆為不足之脈。火氣雖微內攻。

有力故宜灸。

傷寒六七日。脈微手足厥冷。煩躁。灸厥陰。厥不還者死。

厥陰肝脈也。應春生之氣。少陽不息之機。故灸其俞穴。而陽可回。厥可愈矣。少陰病而灸厥陰。以肝之。

相火即少陰之生陽耳。

茯苓四逆湯證

發汗若下之。病仍不解。煩躁者。茯苓四逆湯主之。

未經汗下而煩躁。為陽盛汗下後而煩躁。為陽虛汗多既亡陽下多又亡陰。故熱仍不解。茯苓四逆湯。

董附以回陽。茯苓以清神。則煩躁止而外熱自解矣。

茯苓四逆湯 治少陰厥冷煩躁脈細欲絕者

茯苓三錢附子半錢甘草半錢乾姜半錢人參半錢

水煎去渣溫服 少陰傷寒虛陽挾水氣不化故內擾而煩欲脫而躁厥冷脈細危斯劇矣茯苓理先天無形之氣安虛陽內擾之煩人參配茯苓補下焦之元氣乾薑同附子回虛陽欲脫之躁緩以甘草而煩躁自寧允為清神回陽之良劑也

乾薑附子湯證

下後復發汗書曰煩躁不得眠夜而安靜不嘔不渴無表證脈沈微身無大熱者乾薑附子湯主之

當發汗而反下之復發汗汗出而裏陽將脫故煩燥也晝日不得眠虛邪獨據陽分夜而安靜知陰不虛也身無大熱則微熱尚存不嘔渴是裏無熱不頭疼惡寒是無表證脈沈微是純陰無陽猶幸此微熱未除煩躁不寧之際獨任乾薑生附以急回其陽則煩躁止而微熱自解矣

乾薑附子湯 治夜靜晝日煩燥脈沈微者

乾姜三附子三錢

水煎去渣溫服 汗下倒施陽氣大虛虛陽擾於陽分故晝日煩躁夜而安靜也乾薑生附以急回其陽散其寒則煩躁寧而脈自復微熱無不自解矣此回陽散寒之劑為陽虛陰盛救急之方下之後復發汗必振寒脈微細所以然者內外俱虛故也

內陽虛故脈微細外陽虛則振慄惡寒此亦乾薑附子湯證

乾薑附子湯見前

吳茱萸湯證

少陰病吐利手足厥冷煩躁欲死者吳茱萸湯主之

少陰傷寒手足厥冷陽氣不伸則木火內鬱故煩躁欲死也少陰病吐利煩躁四逆者死此厥冷在手



足而不及肢臂是諸陽之本未脫故用吳茱萸湯溫中散寒則水溫土厚而吐利止木達火舒而煩躁寧厥冷自除矣。

吳茱萸湯 治少陰傷寒煩躁厥冷脈遲者。

吳茱萸錢半 人參錢三 生薑片三 大棗枚五

水煎去渣溫服。少陰傷寒木火內鬱則中氣大傷故手足厥冷煩躁欲死也。吳茱入肝能溫中降逆而散寒佐以人參固助元氣而止嘔吐則煩躁可寧。姜棗調和營衛則陽得敷於四末而手足自溫何危劇之有哉。此撥亂反正之劑為少陽傷寒木火鬱伏之需方。

乾嘔吐涎沫頭痛者吳茱萸湯主之。

乾嘔無物胃虛可知吐惟涎沫胃寒可知頭痛者清陽不足陰寒得以乘之。吳茱萸湯溫中降氣舒陽散寒則胃氣溫而嘔吐止肝木舒而頭痛自除矣。

吳茱萸湯見前

食穀欲嘔者屬陽明也。吳茱萸湯主之。得湯反劇者屬上焦也。

食穀吐嘔固是胃寒宜吳茱萸湯溫之得湯反劇者以痰飲在上焦再服吳茱萸湯探吐自愈。

吳茱萸湯見前

白通湯白通加豬胆汁二湯證

少陰病下利脈微者與白通湯利不止厥逆無脈乾嘔煩者白通加豬胆汁湯主之。服湯後脈暴出者死微續者生。

下利脈微是下焦虛寒不能制水與白通湯通陽却寒以制水而利仍不止更厥逆反無脈是陰盛格

陽也當取猪胆之苦寒加入白通湯中為反佐是熱因寒用從陰引陽之法俾陰感格陽者得成水火既濟若脈暴出是孤陽獨行故死脈微續者是少陽初生故生

白通湯 治少陰厥冷下利脈微者

附子 乾姜 葱白 枳

水煎去渣溫服 少陰傷寒下利厥冷是火虛不能鼓舞以逐邪也乾姜附子振動元陽佐葱白以通

陽氣俾水精四布而厥利自除矣此扶陽散寒之劑為陽虛不能施化之需方

白通加入尿猪胆汁湯 治厥逆下利乾嘔煩無脈者

附子 錢 乾薑 葱白 枳

水煎去渣冲入尿一杯猪胆汁少許 少陰傷寒格陽於上而不能外敷於四末故厥冷下利乾嘔心

煩也白通通氣以回陽加入尿猪胆以平格陽之氣而煩嘔並除厥溫利自止矣此是熱因寒用之法

下利手足厥冷無脈者灸之不溫若脈不還反微喘者死

厥冷無脈不煩不嘔是陰盛於中非格陽於外也不須反佐內服白通外灸少陰則利止脈漸出手足

溫者生若利不止脈不還反加微喘者是微陽已絕門戶不要故也

下利後脈絕手足厥逆逆時脈還手足溫者生脈不還者死

厥逆脈絕虛陽暴脫也脈漸出手足溫是內外回陽故生若脈不出厥不還乃微陽已絕於下利之日

故死

黃連阿膠湯證

少陰病得之二三日心中煩不得臥黃連阿膠湯主之

此病發於陰熱為在裡二三日便見心中煩是熱傷心液不得臥是心火不降也黃連阿膠湯降心火以滋陰則心煩自除而臥寐自寧矣

黃連阿膠湯 治心煩不得臥脈數虛數有力者

黃連六錢半 白芍六錢半 黃芩三錢半 阿膠三錢

三物水煎去渣入膠燂盡內雞子黃一枚攪令相得溫服 此心陽素旺傷寒後熱傷心液心火不降故二三日便心中煩不得臥也需此少陰之瀉心湯芍藥以直折心火佐芍藥以收斂神明非得氣血之屬交合心腎苦寒之味安能使水升火降陰火終不歸則少陰之熱不除雞子黃入通於心滋離宮之火黑驪皮入通於腎益坎宮之精與阿井水相溶成膠配合作煎是降火歸原之劑為心虛火不降之方

豬苓湯證

少陰病下利六七日欬而嘔渴心煩不得眠者豬苓湯主之

欬嘔是水氣煩渴是陰虛下利至於六七日陰液頓亡濕熱內擾故不得眠也以豬苓湯滋陰利水俾濕熱降腎水升則欬嘔除而下利止煩渴解而臥寐自寧矣

豬苓湯 治欬嘔下利而渴心煩不得眠脈濡數者

豬苓錢半 澤瀉錢半 茯苓錢半 滑石三錢 阿膠五錢

水煎四味去渣內膠燂盡溫服 濕熱傷陰水體失職不能上敷下達故欬嘔下利煩渴不得眠也豬苓佐阿膠理少陰之體滑石佐茯苓清少陰之源澤瀉佐阿膠培少陰之本阿膠本血氣之屬合二苓澤石淡滲膀胱利少陰之用重用阿膠是精不足者補之以味也以此滋陰利水使濕熱降腎水升則

效嘔下利自除煩渴不得眠無不並寤矣

陽明病若脈浮發熱渴欲飲水小便不利者猪苓湯主之

渴欲飲水陽明邪熱在胃也燥土不化津液不行故小便不利而發熱脈浮也猪苓湯潤燥行水則熱渴解而小便無不利矣

猪苓湯見前

陽明病汗出而渴者不可與猪苓湯以汗多胃中燥猪苓湯復利其小便故也

此猪苓湯禁汗多而渴是陽明熱邪在胃也津液外越大便秘燥猪苓湯雖用阿膠而利水居其十七故不可與

猪膚湯證

少陰病下利咽痛胸滿心煩者猪膚湯主之

少陰下利下焦虛也少陰脈循喉嚨出絡心注胸中咽痛胸滿心煩是腎火不藏循經上走於竅也猪為水畜津液在膚君其膚以除上焦之虛火佐白蜜白粉之甘瀉心潤肺而和脾脾為黃蘗交構水火俾水升火降則上熱自除下利自止矣

猪膚湯 治咽痛下利胸滿心煩脈虛者

猪膚一兩 白蜜再白粉兩

水煮猪膚糜爛入白蜜白粉熬香和合温服一兩徐徐嚙嚙 陰虛氣燥燥火燦金不能泌別水道故

下利咽痛胸滿心煩也猪為水畜津液在膚取以治上焦虛浮之火和白蜜花粉之甘瀉心潤肺而和脾上滋化源兼培母氣使水升火降則上熱行虛陽得歸其部而煩滿咽痛自除不治利而利自止矣

甘草湯桔梗湯二證

少陰病二三日咽痛者可與甘草湯不差者與桔梗湯

咽痛並無下利胸滿心煩證是少陰不虛邪熱上浮可與甘草湯甘緩之不差與桔梗湯辛散之二三

日病熱原微故製劑亦微也

甘草湯 治少陰病咽痛脈緩者

生草一兩  
水煎濃汁去渣溫服 少陰傷寒過熱不解少陰之脈循喉嚨挾咽故咽痛生草一味甘涼瀉火以緩

其熱清其膈使熱緩膈清則中氣調而外邪自解咽痛無不退矣

桔梗湯 治咽痛服甘草湯不差脈微數者

桔梗 穢甘草 糝

水煎去渣微涼服 少陰咽痛有寒鬱者有過熱者有熱微者有熱甚者此以經氣之厚薄邪氣之淺

深為病也故服甘草湯甘以緩之不差者配以桔梗之辛則甘緩其中辛散其寒而邪熱自解咽痛無

不瘳矣

半夏散及湯證

少陰病咽中痛半夏散及湯主之

此咽中痛是寒閉其竅病屬少陰脈必沈細遲微證必憎寒發嘔故可用半夏除嘔桂枝療寒湯散酌  
宜若挾相火則辛溫切禁矣

半夏散及湯 治少陰咽痛欲嘔脈沈細者

半夏錢桂枝分甘草分

水煎去渣溫服亦可為散 少陰傷寒開塞竅道故清湯不舒咽痛欲咽也非辛甘溫泄之品不能破其範圍當急需桂枝療寒半夏除嘔緩以甘草和以白飲或為散或為湯隨病之宜可也

苦酒湯證

少陰病嘔而咽中傷生瘡不能語聲不出者苦酒湯主之

嘔傷咽嗑少陰浮火挾痰飲於上也傷必生瘡故聲不出不能語也苦酒湯飲瘡清音豁痰定嘔俾嘔平聲自出瘡斂語自能矣

苦酒湯 治少陰病咽中傷聲不出脈弦澀者

苦酒杯雞子一枚半夏半錢

苦酒即醞醋同半夏入雞子白殼內置刀環安火上令微沸去滓少少含嚥

少陰傷寒挾痰飲而嘔傷咽嗑故咽中生瘡聲不出不能語焉當急以半夏豁痰飲苦酒斂瘡傷雞子白清潤發音聲三味相合半夏減辛烈之猛苦酒緩收斂之驟潤以滋其咽喉不令泥痰飲於胸膈則咽痛平而能語出聲矣

四逆散證

少陰病四逆泄利下重其人或欬或悸或小便利或腹中痛者四逆散主之

泄利下重陽邪陷於少陰也四肢厥逆陽內而陰反外也欬悸腹中痛小便利皆水氣為患故以四逆散舉下陷之陽邪而水氣自散諸證無不平矣

四逆湯 治泄利下重四逆脈弦者

柴胡 白芍 枳實 甘草

枳實炒 甘草半

為散。薤白三枚煎湯調服三錢。效加五味乾薑。悸加桂枝。小便不利加茯苓。腹中痛倍白芍。陽邪內陷氣滯於中而清濁不分營陰暗耗故泄利下重四肢厥逆也。柴胡升陽白芍斂陰枳實泄滯氣甘草緩中州令伏邪升散四達則清陽不復下陷而厥利無不盡乎矣。

傷寒約編卷六

厥陰病提綱

厥陰之為病消渴氣上撞心中疼熱飢而不欲食食即吐虵下之利不止。

兩陰交盡名曰厥陰為陰中之陽寒傷其經則相火內鬱故氣上撞心中疼熱也火能消物故消渴易饑肝能剋胃故饑不欲食虵聞食臭則上入於膈而吐虵也病發於陰而反下之使氣無止息而利不止耳。烏梅丸主之可以除虵亦可止利。

烏梅丸

見虵厥

肝虛脾證

傷寒腹滿讖語寸口脈浮而緊此肝乘脾也名曰縱刺期門。

腹滿讖語似太陰陽明內證然未經妄汗妄下而非脈浮而緊似太陽陽明表脈然驗證並非可汗而又非也此固當以脈辨之脈法浮而緊名曰疔是疔為肝脈也諸腹脹大皆屬於熱肝氣熱則多言可知腹滿由於肝火讖語乃肝旺所發耳肝旺則乘其所勝直犯脾土故名縱刺期門以瀉之則腹滿可除而讖語自止矣。左金枳朮加柴胡白芍生地桅丹並主之而腹滿讖語亦無不已。

左金丸 治肝火乘脾腹滿讖語脈疔數者

黃連祿莫萊一兩炒醋泡七次

為末粥丸亦可量減作湯 肝旺乘脾不能敷化精微四達故腹滿火炎心亂神明失其主宰故譫語也黃連大瀉心火燥脾濕莫萊引之直入厥陰以平肝除滿則譫語無不自已

枳朮丸 治脾虛腹滿脈弦者

白朮兩半炒 枳實八錢炒

為末粥丸亦可小其制而作湯 脾虛不化氣滯於中不能行其健運之職以灌四旁故腹滿也枳實瀉滯氣白朮健脾元俾健運有常則精微四達而腹滿無不退合左金丸為肝旺乘脾腹滿譫語之主方

### 肝乘肺證

傷寒發汗番番惡寒大渴欲飲水其腹必滿此肝乘肺也名曰橫刺期門自汗出小便利其病欲解

發熱惡寒寒為在表渴欲飲水熱為在裏其腹因飲水多而滿此肝邪挾火剋金脾精不上歸於肺故大渴肺氣不能通調水道故腹滿是侮所不勝寡於畏也故名橫刺期門以瀉之發熱惡寒得自汗而解腹滿大渴得小便利而津氣自達也五苓散加青皮枳實亦無不可

首條肝乘心前條肝乘脾此條肝乘肺診家須着眼

### 五苓散

厥陰消渴欲飲水者少少與之愈

水能生木能制火厥陰消渴最宜之

厥陰中風證



厥陰中風脈微浮為欲愈不浮為未愈

脈微浮為風行地上陰出之陽故愈不浮為木鬱土中風淫地下故未愈厥陰為風木之藏復中於風變端必有更甚於他經者有欲愈脈失未愈證惜哉

### 烏梅丸證

傷寒脈微而厥至七八日膚冷其人躁無暫安時者此為藏厥非虵厥也虵厥者其人當吐虵今病者靜而復時煩此非藏寒就上入膈故煩須臾復止得食而嘔又煩者虵聞食臭出其人故吐虵吐虵者烏梅丸主之又主久痢

傷寒厥冷脈微至七八日膚冷不煩而躁有陰無陽為藏厥不治虵厥亦膚冷脈微外寒內熱勿遽認為藏厥勿治其證顯在吐虵而細辨之在煩躁藏厥純寒躁而不煩虵厥挾熱煩而不躁靜而時煩與躁無暫安迥別此風木為病相火逆攻猶寒熱相半故烏梅丸可用連柏是寒因熱用不特苦以安虵也

### 烏梅丸 治厥冷吐虵脈微者

烏梅三細辛分乾姜分黃連分附子分當歸錢人參分黃柏分蜀椒分桂枝分

十劑為末蜜丸亦可作湯 厥陰傷寒相火內鬱寒熱相搏於中故吐虵蓋虵生於濕得風木之化烏梅之酸入厥陰善收逆氣黃連之苦瀉心除煩兼以安虵黃柏之寒滋腎止渴更能燥濕附子以益火歸原也干薑蜀椒溫中除濕細辛桂枝散表祛寒人參當歸以調氣血此治虵之劑即厥陰治厥之主方

### 當歸四逆湯證

手足厥冷脈微欲絕者當歸四逆湯主之

此厥陰傷寒脈證雖無衛外之陽亦未見內寒吐利煩躁諸險證當歸四逆養營解邪則厥愈湯回而脈自復矣

當歸四逆湯 治厥陰傷寒手足厥冷脈細欲絕者

當歸錢三桂枝錢半白芍錢半細辛四甘草八通草八大棗三

水煎去渣溫服 厥陰傷寒內寄相火故雖手足厥冷而厥深熱深不可遽投薑附也但用桂枝解外而以當歸為君者厥陰主肝為藏血之室肝若急甘棗以緩之肝欲散細辛以散之通草通竅利一身之關節芍藥斂陰防相火之逆上此乃厥陰驅寒發表之劑為養營平肝之需方

當歸四逆加吳茱萸生薑湯證

若其人內有久寒者宜當歸四逆加吳茱萸生薑湯

久寒不用薑附者以厥陰受病必營血大傷第加吳茱萸生薑則營分受蔭而寒邪外解脈道自復厥無

不愈矣

當歸四逆加吳茱萸生薑湯 治厥陰藏寒厥冷脈細者

當歸錢三桂枝錢半白芍錢半細辛四甘草八通草八生薑三大棗六吳茱萸六分醋

水煎去渣溫服 厥陰藏寒經久必傷營血外復傷寒則陽不外敷故手足厥冷脈細欲絕也當歸四

逆湯中桂枝得歸芍生血於營細辛同通草行氣於衛甘草得大棗則緩中以調肝營氣自得至於手

太陰而脈自不絕本方能溫表以逐邪則衛氣能行於四末而手足自溫耳其久寒加吳茱萸溫厥陰之

藏生薑溫土府之表此溫內解外之劑為厥陰經藏俱寒之需方

白頭翁湯證

熱痢下重者白頭翁湯主之

熱痢下重是濕熱穢氣鬱遏廣腸魄門重滯而難出也白頭翁湯清微其邪則濕熱化而滯氣自調下重無不自除矣

白頭翁湯 治熱痢下重脈沈數者

白頭翁 錢黃連 半錢 黃柏 半錢 秦皮 半錢

水煎去滓熱服 厥陰下利後重者追是濕熱穢氣鬱遏於陽明也白頭翁清理血分濕熱小秦皮佐以平木升陽協之連柏清火除濕而止利此為清熱除濕之方乃熱利下重之宣劑也

下利欲飲水者以有熱故也白頭翁主之

渴欲飲水以有熱在裡為熱利也故主以白頭翁湯

白頭翁湯見前

下利脈沈弱者下重也脈大者為未止脈微弱者為欲自止雖發熱不死

沈為在裡強為少陽此胆氣不升火邪下陷故下重大為陽明大則病進故利未止微弱為虛利後數亦為虛虛則邪氣將盡故欲自止發熱是熱自裡發陰出之陽故不死

下利脈數有微熱汗出今自愈設脈復緊為未解

熱微脈數表有微邪裡有蓄熱也汗出則熱從外泄今利自愈設脈復緊是表不解而熱不得泄故利未止

下利脈數而渴者今自愈設不差必圉膿血以有熱故也

下利脈數為虛利。亡津液則渴。水能制火。則渴利自愈。熱伏不差。必傷血室。故圍膿血也。下利寸脈反浮數。尺中自濡者。必圍膿血。

厥陰下利。脈當驗於兩關。今寸脈反浮數。尺中自濡者。是陽邪陷於陰中。故必圍膿血也。傷寒六七日。不利復發熱。而利其人汗出不止者。死。有陰無陽故也。

六七日陰陽自和之際。復發熱而利者。正氣虛脫可知。汗出不止。陽亡而不能衛外也。為有陰無陽。故死。

熱厥利證

傷寒一二日至四五日而厥者。必發熱。前熱者。後必厥。厥深者。熱亦深。厥微者。熱亦微。厥應下之。而反汗者。必口傷爛赤。

傷寒三日。三陽為盡。四五日而厥者。三陰受邪也。陰經受邪。寒極生熱。故先厥者。後必發熱。陰邪未散。厥必復發。厥之久者。鬱熱亦久。厥之輕者。鬱熱亦輕。熱與厥相應。熱鬱三陰。已入於府者。可下而已。陰不得有汗。而強發之。引火上升。故口傷爛赤也。此是胃熱而非胃實。厥微者。當四逆散。芍藥枳實以攻裏。柴胡甘草以和表也。厥深者。白虎湯。參甘粳米以扶陽。石膏知母以除熱也。

四逆散

白虎湯

傷寒病厥五日。熱亦五日。設六日當復厥。不厥者。自愈。厥終不過五日。故知自愈。熱與厥相應。是陰陽和平。故自愈。厥終即不過五日。即六日不復厥。自愈。

傷寒厥少。熱微。指頭寒。默默不欲飲食。煩躁數日。小便利。色白者。此熱除也。欲得食。其病為愈。若厥而嘔。

胸膈逆滿者其後必圍膿血也

身無大熱手足不冷但指頭寒是熱微厥亦微也默默不欲飲食是內寒亦微煩躁是內熱反其數日來小便利色白知內熱已除不煩不躁可知欲得食知內寒亦除不厥不嘔亦可知若雖熱少厥微反和之深者大柴胡下之則熱解而厥亦解矣

小柴胡湯觀少

大柴胡湯觀少

傷寒發熱四日厥反三日復熱四日厥少熱多其病當愈四日至七日熱不除者其後必圍膿血

傷寒以陽為主厥少熱多是陽長陰消故其病當愈至七日熱若不除是熱勢太過必傷陰絡其後大

便膿血矣甘草湯主之則熱與厥解而膿血自除矣

炙甘草湯心脈結代動悸

傷寒厥四日熱反三日復厥五日其病為進寒多熱少陽氣退故為進也

熱少厥多是陽消陰長其病為進以熱微而厥反勝則寒自多而陽日少不急扶其陽而陰盛則亡也

宜參附湯回其陽而厥自愈矣

參附湯 治陽虛陰盛熱少厥多脈微者

人參錢子

水煎去渣溫服 陽虛陰盛生氣日消故熱少厥多而病為進也附子補火扶陽以振生氣人參補氣

扶元以通血脈則熱少厥多者無不陽回而厥自愈矣

傷寒約編

卷六

三十四續

發癰證

傷寒始發熱六日厥反九日而利凡厥利者當不能食令反能食者恐為除中食以蒸餅不發熱者知胃氣尚在必愈恐暴熱來出而復去也後三日脈之其熱續在脈和者期之是日夜半愈所以然者本發熱六日厥反九日復發熱三日并前六日亦為九日與厥相應故期之是日夜半愈後三日脈之而脈數其熱不能者此為熱氣有餘必發癰膿也

病雖發陽而陰反勝之故厥利此胃陽將乏竭也當不能食令反能食恐為除中除中者中空無陽求食以救反見善食之狀食以蒸餅不發熱者是胃陽尚存尚能化食原是熱厥利厥深熱深故九日復能發熱厥利自止矣若脈數熱甚此為熱氣有餘熱傷營血必發癰膿 便膿血是陽邪下陷於陰竅發癰膿是陽邪外結於形耳

發熱而厥七日下利為難治

發於陽者當七日愈今厥不止而反下利恐其陽已內亡故難治

傷寒先厥後發熱而利者必自止見厥復利

先厥則後發熱是寒邪盛而陽氣微發熱則陽回而厥利自止見厥則陰邪盛而虛熱外退其寒内生故厥利復作也厥與利相應則更是陽消陰長之機

傷寒先厥後發熱而下利必自止而反汗出咽中痛者其喉為痺發熱無汗而利必自止若不止必使膿血使膿血者其喉不痺

此先陰後陽寒盛生熱之證熱雖發而厥後而陽氣勝陰故厥利自止而不復發熱熱氣有餘者又有犯上陷下之不同下利不當有汗有汗是陽反上升故咽中痛而成喉痺無汗是陽從中發熱與厥應

厥利止而寒熱自解矣若厥止而熱與利不止則陽邪下陷必使膿血下而不止故咽不痛而喉不痺也

傷寒發熱下利至甚厥不止者死厥逆躁者不得臥者亦死

炙甘草湯證

傷寒脈結代心動悸者炙甘草湯主之

厥陰傷寒是寒傷心主神明不安故動悸心不主脈運行之機不利失其常度故結代也結與代皆陰脈傷寒得之是陽病見陰脈者死結製炙甘草湯名復脈湯更欲挽回於萬一

炙甘草湯 治傷寒心動悸脈結代者

生地五錢人參錢炙甘草半錢冬三錢阿膠三錢麻仁三錢桂枝六分生姜三片大棗三枚

水煎去渣入清酒一杯温服 寒傷心主熱不可得泄而神明失養故動悸也以其人心血素虧不能

主脈故結代也需此滋陰和陽之劑生地為君冬為臣炙甘草為佐大劑峻補真陰反以甘草名方者取其載藥入心以充血脈然寒涼之劑無以奉發陳蕃秀之機而寒終不散故必須參桂佐冬冬以

通脈散寒姜棗佐炙草以和營達邪膠麻佐地黃補血甘草不使速下清酒引之上行且地黃冬冬得酒力而更優也 麻仁一味當是棗仁斯手厥陰心主傷寒也寒傷心主相火內鬱則血液枯涸而心

動悸脈結代製炙甘草湯以開後學滋陰之路蓋棗仁能養心寧神益血榮肝若麻仁第潤腸燥以通虛閉豈能入心主以操養血安神之任乎此非特傳寫之誤抑亦古今血氣不同耳

傷寒欬逆上氣其脈散者死謂其形損故也

外寒傷形內熱傷氣欬逆不止乃氣升不降也脈散不朝是心肺之氣已絕形不與氣相保故死

陰陽易證

傷寒陰陽易之為病其人身體重少氣少腹裏急小便不利陰中拘攣熱上冲胸頭重不欲舉眼中生花膝脛拘急者燒視散主之

此證脈非傷寒而曰傷寒者原其起病之因也今因淫情之不禁而餘邪得以投其隙移禍於不病之人頓令一身之精氣形神皆受慈火之為害是不病於傷寒而病於陰陽之為易勿得以男女分名也陰虛而淫邪湊之故少氣而熱上冲胸氣少不能運樞故頭重不舉身體皆重邪中於陰故陰中拘攣衝任脈傷故少腹裏急精神散亂故眼中生花動搖拘急故膝脛拘急也病由於腎毒侵水道故小便不利諒非土木金石所能治仍須陰陽感召之理以劑之斯視禱之以意相求也

燒視散 治陰陽易脈數者

視禱近陰處剪方燒成 無病人與傷寒溫疫初痊不論男女合頓令亦病是餘邪乘慈火

入煎劑服小便利陰頭微腫即愈相感也視禱者男女陰陽之衛衛乎外者自能清乎內感於無形者治之以有形也形氣相得小便即利陰頭微腫濁陰走下竅清陽出上竅則慈火頓平而諸證自息矣男服女女服男更宜六味地黃合生地煎湯調下則奏效始捷耳

地黃湯見前寒熱證

諸寒熱證

病人身大熱反欲近衣者熱在外膚寒在骨髓也病人身大寒反欲近衣者寒在外膚熱在骨髓也此屬內因不是外感身當大熱之時反欲近衣者乃皮膚之熱雖以天時而積漸之寒實在骨髓也身



當大寒之時反不欲近衣者是皮膚之寒係天時而積漸之熱在骨髓也故遇天令之大寒大熱終不能除宜以六八味滋腎中真陰真陽而骨髓之積寒積熱無不漸平矣

六味地黃湯丸 治陰虛內熱脈數虛者

生地八兩黃肉四兩去核澤瀉三兩丹皮三兩茯苓五兩山藥四兩

為末蜜丸亦可作湯 真陰內虛腎水不足不能制火而內熱於骨髓焉生地滋陰壯水黃肉秘氣滯

精丹皮瀉血中伏火澤瀉瀉膀胱水邪山藥清虛熱於脾肺健脾益陰茯苓滲濕熱於肺脾通腎交心

此為滋腎水退濕熱能除骨髓積熱之需方也


八味丸湯 治水中火虛脈數細者

八味丸即六味丸加熟附子一兩甜肉桂一兩

真火內虛腎水亦不能足無以發育少火而積寒於骨髓焉故以八味丸壯水補火能除骨髓積寒之

需方也亦可作湯分兩只宜十一耳





H87378h

1907

v. 15